

溧陽縣志

光緒丙申重刊

栗陽縣志

溧陽縣志敘

天下有公家之書而成於官不若成於私者史與志是也史自兩漢三國以迄六朝父子授受師友纘續卽有駁雜必自成家自改爲官書而蕪穢疏畧百弊叢生或迺顛倒是非乖反先後夫經學莫盛於漢義疏出而先儒之師說微矣然好學之士猶能博採而並存之至於史則有所不敢議野紀叢書更難於辨正也志者史之派別而細大懸殊宜可盡心然余見近時所修邑志其中卓然可傳者惟錢辛楣少詹所輯鄞志邵二雲學士所輯餘姚志兩先生皆以絕識博學考證古今咸有據依二雲又其邑人故能精審若是近則有唐陶山刺史

溧陽縣志

敘

海州志體例不戾於古他之爲志者類以邑宰主之其宰而賢有文者雖少異庸眾然或付託不得其人或以案牘之勞無暇悉心於此或漫不訾省督責迫促之而其書之可觀者尠矣溧陽之有志自宋始凡數修而迄於乾隆之八年距今蓋七十年矣前志旣未盡滿眾望而更歷歲久闕焉不紀有人物翳然之慨於是邑之士大夫請於前宰李君葛峰定重修之舉推史孝廉恒齋主其事余踵葛峰後承乏於此越兩年而觀厥成竊謂此舉迺士大夫之志又前宰李君爲之倡余何敢掠美以爲己功然卒有所不得辭而敘之者蓋此書有繫於邑人者一有助於余者二何則志以傳信必信而後可

傳恒齋老於文學熟習掌故於錢邵二先生書夙所宗  
尙其考證必不苟余復爲定其去取斷無如前所云云  
者然則此志可信可傳當與海州志並稱旁邑之士大  
夫必有見而興起者以此志爲準邑之人不與有榮乎  
此繫於邑人者一也余初涖官日邦之風土民俗都所  
未諳因輯是書隨時探討以爲采風問俗之先路其助  
一也自乾隆八年以後宰是邑者不可以數計中間數  
十年數十人其姓名里居皆茫然無考故老舊人亦無  
能言者今此志成於余爲宰之日志一日傳則宰之姓  
氏一日不忘姓氏一日不忘則其人之賢不肖亦與之  
不忘私自惟念其敢不策慮惛臆以無爲此邦人士之  
羞乎是其爲助也大矣用是不辭固陋而述爲志之難  
以塞士大夫之意挂名簡端庸有以自警也嘉慶十有  
八年六月八日知溧陽縣事錢塘陳鴻壽敘

溧陽縣舊志敘略

敘者所以敷陳書旨志經改纂體例必更而猶歷載原  
敘則敘之與書兩不相應焉用此贅設者乎但吳志所  
載前人敘跋共有八篇今亦難以刊落因并吳自敘共  
九篇錄之而姑見義例於此既是附存梗概不妨節取  
精醕如覽者欲考得失於原文舊志固具在也其歷修  
名氏亦隨時附列以備參稽

明萬歷帥志敘

溧陽有志自宋乾道始志者紀也紀郡邑之史也周官  
小史掌邦國之志外史掌四方之志以察民俗以稽吏  
治郡邑視古侯國而無史官經世之士膺厥任者以時

溧陽縣志

舊敘

考事次其闕失式備一方之史亦猶行古之道也故志  
者典章存焉教化寓焉治忽在焉匪徒具文侈觀耳矣  
我國家定鼎金陵設官分職應天領縣八溧陽土地視  
諸邑較廣其政賦殷繁視附郭二邑爲尤劇楚澤帥侯  
來尹茲土公暇繙閱舊志或濶略而未審其詳或浮靡  
而未核其實懼無以新羣黎之耳目而一其心志也爰  
請監司延致師儒證諸典籍詢諸父老凡幾閱月而志  
成總其綱十有三列其目五十有二本之所以廣學推  
之所以立政申之足以贊業垂之足以示遠者也侯以  
進士莅政二載廉正而仁恕明作而愷大行將陟臺省  
歷樞要以察百官均萬民區區一邑之志真莞爾於牛

刀云者然君子爲政不以備物飾治爲貴而以直道信  
民爲難夫苟不枉吾道不患乎民之弗信不疑吾民不  
患乎政之弗成故疆域以昭其勝人物以昭其靈宦績  
以昭其政典籍以昭其文茲志之大者耳目之所逮也  
其他財賦之出納經費之盈縮豪縷必析錙銖必較豈  
惟民莫之知而豪強貪暴胥此兆釁自非直道以求信  
於民者必不肯底慎於紀載之明盡然非紀載之明且  
盡亦奚以自信於上下之法守是故杜多取之門嚴兼  
并之坊尚有利於我民豈小補云者茲志也非直可以  
例諸他邑推而達之郡國天下裕如也傳有之經界既  
正分田制祿可坐而定後之尹茲土者尙鑒之哉

案此段極

## 溧陽縣志

舊敘

二

言帥志賦役詳慎利民而山  
居野志專駁之當俟詳考 萬厯甲戌仲冬之吉賜進

士及第亞中大夫雲南參政致仕前南太常少卿翰林  
侍講經筵國史官同修會典浚儀邢一鳳書

案其時纂輯者邑人陳邦治宋臣熙滕養志彭履常  
又有山居野志邑人狄斯彬撰

國朝康熙丁未徐志敘

江陵徐公履常治溧甫下車卽有志於治天下之大端  
先取境內之圖籍觀焉因以問於不敏穎知予故嘗有  
志於一邑之事也予迺舉所藏前侯符帥二公志并鄉  
先生狄公野志共三帙及予所自輯閭史合而是正於  
公公則於制治之暇採擷成編焉凡邑之事載於編中

者州野之分畫山川之表會官府之建置學校之興修  
祠祀之秩文而橋梁溝塗亭臺館圃郵舍戍障廡庾之  
細寺觀之幽靡不具焉以至風氣之有淳漓吏治之有  
隆汙民生之有休戚地方之有舒急財計之有詘盈人  
材之有盛衰防禁之有完窳則皆公之所經營無倦也  
蓋其所以綜理於邑中者極誠且敬故卽其編摹所至  
而皆足以徵其周慎也吾觀古之求治之殷者常隨事  
而設教因教以守常而達變而所爲集眾美以永其傳  
則莫備於邑志舉一志而不徒爲一邑之志求之於天  
下之大焉讀其發端而鏡作者之無不該也舉一志而  
不徒爲一邑一時之志求之於今古之遠焉讀其前後

之所援引而并鏡於其設縣之本末也舉一志而不徒  
爲一邑一時一人之志求之於某事而非必某事之爲  
某人設也求之於某人而又非必某人以某事傳也求  
之於人與事相符相盪之故而某人之所爲某事之所  
繫又非必其通於作者初終之大共也斯廼以知

極盛之世治術尊於

一人學術明於人人卽以是爲貫人天右神明合道藝動民物  
之用也又奚歎焉予廼因是而深有慨於邑志之成之  
難也宏治之志邈矣萬厯之志成於江陵帥公而鄉先  
生狄公以田賦實徵爭之爰有野志要各無競心讀者  
自有酌量焉天啟之志成於慈谿董公而虞孝廉實職

其事已脫稟矣稟留鄉先生某所不傳順治中閩縣林公見予閻史將付梓人尋以他事去不果蓋帥公志閱今九十五年始得徐公繼之又皆江陵人也茲志於溧陽其因創之間乎於江陵其後先之揆乎故讀之而若古人之摧揚於其上於其左右也抑讀之而若今人之同堂而處相與揖接醺答於筆墨之間也由一邑及於天下而使之各有其文章各有其政事焉可不謂之盛業乎哉今公晉秩中翰代者且至而猶惓惓於此必期剴劂竣事以誥諭於邑中予故審謨猷之所肇尊問學之所正而推是編於符帥之上予閻史又奚足云敬以是復公之請康熙六年歲次丁未邑人吳穎撰

溧陽縣志

舊敘

四

案其時雖未有邑人助纂而書中事實悉本吳穎閻史特卷目頗異耳

康熙癸丑王志敘

溧陽爲金陵屬邑幅員廣輪大約百里其地山水相半其民火耕水耨飯稻羹魚諸種擾外無異產田塍塵肆外無衰業而鉅公名俊代不乏人今猶昔也故稱名邑邑有志始自宋乾道迨明符帥諸公代修之而皆不如今之吳太守閻史爲尤詳且核康熙丁未前令今中翰江陵徐公纂修大旨指衷於三家亦已大備辛亥錫琯來爲令癸丑奉檄重修距徐公之修才六年輿地建置山川財賦軼事之屬類無增損惟夫官師代遷頻歲繼

起科名新榜視昔彌增而山川鍾毓人物英多或甫沒世而名稱亦有歷年而論定是皆不可以不志也故今爲志官師補若干人而添設若防師等視此矣爲志科名補若干人而諸貢薦辟若援例等視此矣爲志人物如孝義如循良如文學如貞潔補若干人而方伎流寓不必補且無可補矣夫溧自東漢壯侯以功臣列爵於此故其人至今多立功名善表建或少壯登朝宏通適用或方州郡邑所至著聲自伯喈元暉太白東野來遊遺有讀書洗墨登樓射鴨諸勝故其人至今雅善屬文喜獻詠大而鴻筆爲國之風雨小而短章亦世之琳琅又有奇女振窮名垂越絕不屑酬劍自甘沉江故至今

女子多貞嚴虧禮越義之誠長厚成俗表指困捐粟之槩此皆風化之所自也若乃趙著三忠僕殉妻子精貫星日垂法方來後之君子爲良臣爲名臣爲能臣則皆忠之屬也不專傳忠而忠傳其餘孝友諸傳則必各因其事類而傳之者也序記歲月並爲及此抑此百里之幅員亦可以稱名邑矣康熙癸丑仲冬之朔知溧陽縣永嘉王錫瑄撰

康熙甲子成志四敘一跋

說者謂作於前者難爲功述於後者易爲力而予獨不謂然夫人創未有之書成不朽之業縱力肆志以圖之前無所師後無所忌豈不綽有餘裕若守前人楷模爲

之步趨焉縱抱伯喈曠代之才不過青於藍而寒於水  
豈能獨出機杼成一家言也哉溧志自宋元而上遐哉  
不可考已有明修自符帥

本朝纂於徐王踵事增華積薪致慨久矣今天下海宴河  
清放牛歸馬

朝廷議修大一統之書先

命各省郡屬續補志乘懋勳承乏茲邑甫及下車望伍大夫立  
馬之峯弔史義女投金之瀨山川鍾秀甲第巍峩文章  
氣節爲金陵屬邑之冠矧中郎書榭石戶猶存太白酒  
樓風景不異雖復碑斷薔薇石孤忠義未嘗不低徊感  
慨慕尙高風獨惜牽於簿書難與筆墨從事耳遂謀諸

溧陽縣志

舊敘

六

搢紳敦請鍾陳兩君司董狐之任此兩君者英年高第  
閉戶著書其才其學與其志非不欲考訂經史搜羅野  
乘刪繁蕪而補闕略再成一書以昭太平盛事也迺限  
於時日述而不作凡山川官師科名人物諸條例悉因  
舊文增益之而水利兵制物產賦役諸篇則皆言之鑿  
鑿經緯秩然可想見其胸中所有其才其學真可與讀  
史并可與作史者矣僅產羽邑志已乎刻成遂書數言  
爲之敘康熙二十三年歲在甲子知溧陽縣長垣成懋  
勳撰

案其時纂輯諸人見下敘跋

將使官斯邑者有所稽以成治生斯邑者有所感以成

俗則必取乎志是故邑志之舉良有司務盡心焉而不能不於邑之人是問蓋非邑之人弗習弗習則爲舛誤爲挂漏往往多有淆纂帛於製錦升鼎俎以寸鬻吾未見其善也然則志之藉手邑人可知矣今

天子以中外一統

詔郡邑交修志事而吾邑成侯甫奉檄卽廣詢博採進予與陳子而屬筆焉爰是入館濡豪謀所以修志之要夫溧之志舊矣若符若帥若徐與王亦旣釐然以備而或者以後之繁不及前之簡余曰否否邑志貴詳詳貴覈覈貴文不詳則漏不覈則浮不文則傳之不遠今一邑之志雖累千百紙進而爲通志存者什之一矣進而爲一統

溧陽縣志

舊敘

七

志存者又百之一矣而於邑先有所缺遺何以待採擇且志與史不同史昭勸戒志備參考昭勸戒則筆削宜嚴備參考則凡一建置一興革一嘉言懿行務亟收錄焉唯其紀往徵來信今傳後已耳迺雌黃其口摘瑕而棄瑜不亦繆與陳子以爲然於是披覽舊志舛者訂之逸者補之新者增之閱月而橐成雖未敢謂言之文行之遠然旣詳旣覈庶乎一邑之大觀具矣由此而推之郡國由此而推之天下斟酌損益卓然昭一統之書用以輝煌

文治黼黻太平詎不盛哉此予與陳子之志所以報命成侯者也雖然凡予兩人之爲此日夕匪懈以折衷於鄉士

大夫固已合一邑之人修一邑之志不過藉僉謀以免失墜焉耳若謂余兩人憑胸臆以擅其成也又烏乎敢康熙二十三年歲次甲子邑人鍾于序撰

溧之見於夏曰中江見於周曰瀨水兩漢而下史不一書矣迺三千餘年志乘闕略非果闕略也宋以前之事今具見於景定建康郡志至明宏治萬厯間符帥二公乃始後先纂輯邑志焉

本朝康熙間徐王兩先生增華繼起歲在癸亥  
朝廷將修一統之書

命下直省重修通志時泰適應邑侯之請濫膺纂輯撫躬自問不勝赧且懼者蓋欲搜二十一史補山川人物之勝於

### 溧陽縣志

舊敘

八

邑志有裨矣慮翻案於先達欲踵前人步趨聽浮沈於時好於人情無忤矣終噴飯於後人兩者交戰於胸而筆不敢輕下者再忽自信曰吾亦無愧吾心而已見一忠孝亟稱述焉不敢效吾家志三國者索米作佳傳也見一節義亟採擇焉不敢學續劉向書者濫收三易操之文姬入列女也

案原本誤以爲子政濫收西漢人安得錄及東漢之末續列女傳有之耳

故改所見者自信其詳且慎不敢有異辭矣而所聞并所傳聞者限於前志之闕略時勢之拘牽不敢是正又深愧於無異辭名山大川間氣時鍾所望後乎此者網羅舊史旁搜野乘述兼以作爲瀨水胥山力開數千年生面秉筆者無掣肘之歎芴觀者無固陋之譏庶吾心

不能伸於今日之遇而或見諒於後人之心安在秦王

轍迹齊帝登庸諸大事

按上句據越絕書始皇東遊奏東安今富春丹陽溧陽云云下

句據南齊書蕭鸞嘗為永世令後卽位是為明帝二事舊志不載故此敘及之彪炳前史

案原本作

不炳彪正史不知南齊書固正史也越絕書乃雜史耳故改之而志書終或闕畧也哉

尚第云官師之升降科名之登載土田錢穀之徵收一

胥吏事耳於邑志雖不無少益然吾輩秉筆之心終自

視闕然矣康熙歲在甲子邑人陳時泰撰

案此敘深以時勢拘牽不

敢補正闕誤自歉而有望於後來識見超絕當時莫能從其說而盡其才為可惜也

以一邑概天下難免蠡測管窺之見烏乎知其大然天

下者一邑之積也士不出戶庭而知天下事

上不遣輶軒之使而可以彙成車書大一統之志胥於邑志是

### 溧陽縣志

舊敘

九

賴去秋

朝廷有事乎纂修會典

詔直省各修通志而必以一邑之記載發其端董率之檄頻下

邑侯成公黽勉從事必欲延致博洽之儒諳古蹟而通

世事者秉筆為之庶免紕繆遺漏之譏以訪於余余以

鍾君東澤陳君尚于對二君既膺是任殫心編輯以徐

王舊志為筌鉢而斟酌損益之廣以學士之見聞參以

稗野之記述暨孝子慈孫之家乘凡一言一事之媿無

不節取而嘉予焉甯博徵而毋遺美甯傳疑而毋臆斷

凜凜乎詞之繁而不失之穢且雜余為之反覆紬繹知

二君之為是書非徒侈綜覽之富也蓋藏往卽以知來

爲後人立之鑒焉故徵星野則牛女之躔次卽法春秋  
之不言事應而事應具存爲修省之資也辨山川則南  
嶺北洮之界卽法王制之瀦洩封表蒐叢慝而慎隄防  
爲未雨之計也釐賦役則念條鞭畫一之冊奉公便民  
慮遵行者浸失其初而橫征私派之剝下也核吏治則  
法太史公之美惡並著循良何以璽書見褒貪酷何以  
墨刑示誠書名書氏皆可爲吏事之師矣至若文章忠  
孝高士列女諸傳疇若淑而不彰

國朝首重制義兼採詞賦而科貢諸途與山林隱逸之士  
無不徵求疇若微而弗錄斯貴貴賢賢之義交盡者矣  
是在後之讀者循名以核實因辭而逆志則邑志之所

溧陽縣志

舊敘

十

係豈淺鮮哉余從二君之後閒効咨詢校讐之勞而謏  
陋未敢涉筆幸得與名簡端故綴數語以質之高明其  
猶存蠹測管窺之見也夫

賜進士第邑人吳琇撰

聖天子聲教誕敷車書畢集

特詔直省廣求名儒重修通志以成一統之書吾邑成侯咨訪  
英賢得鍾子東澤陳子尚于以任董狐之筆如瑾雖謏  
陋未敢妄參蠹測而欣逢盛典共襄厥成不禁肅然起曰  
邑之有志猶國之有史也史昉春秋春秋之書因魯史  
而筆削之傳其舊也春秋之義善善長而惡惡短惟其  
公也溧邑之志符帥創於前徐王纂於後踵事增華彬

彬盛矣至於嘉言懿行上備

朝廷採擇下垂一邑典型纂輯之下徇眾固嫌於濫執已  
又病其私今鍾陳兩君高才碩學著作等身皆可前無  
古人後無來者區區一邑之志豈不能芻參二十一史  
博覽山川人物獨出其胸中所學一筆一削卓立成書  
爲黼黻太平之盛事而乃青出於藍裘資於腋取前志  
所未有而增補之隨聞見所已及而收錄之是遵何道  
哉傳其舊也亦惟其公也此余於兩君不獨深服其才  
而深諒其心也與若夫天文之災祥水利之通塞建置  
之興廢賦役之增減官師科名之記載忠孝節義之表  
揚志固燦然言之余可勿贅

溧陽縣志

舊敘

十一

賜進士第原任福建福州府推官陞金華知府邑人黃如瑾跋

乾隆癸亥吳志敘

天地其運處乎萬物其萌庶乎聖賢豪傑其日出而不  
窮乎孰紀極之而使流傳於千萬年哉夫自乾坤開闢  
龍圖鳥蹟紀載鴻濛惜墳典邱索半多湮沒及章亥縱  
橫以後輿圖地理庚庚堂堂禹貢一書詳載土田山川  
平成之數其後復有山海職方王會諸書以佐之而歷  
代史家並立地志皇皇乎蒙泉日下皆入簡編矣我

朝

列聖相承

德教所被無遠弗届

特命內外臣工續修一統志諸書以垂示萬世巍乎煥乎自神州赤縣以及梯航鞮譯之區山川職貢瞭如指掌軼漢唐而降虞夏矣江南古禹貢揚州之境其星野疆域周官史記約略可考自班固前漢書而下郡縣加詳幅員之廣山川人物之秀雖海澨江洲比他省上郡而溧陽春秋平陵舊地固城湖其址也

案二句誤詳見疑辨

自伍員北伐

山爲胥山河爲胥河而投金之瀨吳越春秋具載其事李謫仙所云風號吳天月苦荆水令人生憑弔之思者顧其文獻之流傳向俱附載江甯郡志而邑乘創於宋趙廓夫今不可得見矣明嘉靖邑令符公觀始復纂修繼之者則萬曆間邑令帥公蘭也

## 溧陽縣志

舊敘

十二

本朝文章制度超軼前修康熙間邑令江陵徐公一經復纂集成書已有鐫板厥後王公錫瑄成公懋勳續爲增補迄今剛周一甲子矣乾隆三年板燬於火何忍以千百年之文獻而遽付之一炬往者不可徵來者將誰問乎學濂初莅茲邑未悉其風土人情諸紳士告予宜修邑志予以有待辭且懼才力之不勝任也顧惟溧邑山有石屋伍牙芝峯白石之奇水有五堰洮湖九陽千里之勝煙巒合沓波瀾壯闊昔稱畿輔控扼江湖距海不及三百里甯非東南形勝要害之區哉今亦旣庶且繁矣且千百年來人材蔚起忠義著於南宋文物盛於熙朝甯非觀風者所宜採訪而傳述乎學濂七年於茲公餘

之暇訪諸遺民耆舊之傳聞彙諸里巷稗編之記載卽  
舊本而損益之不敢謂辭文旨遠廁著作之林而臚列  
山川紀極人物使文獻足徵以信今傳後爲職方氏之  
權輿意者其在斯乎乾隆八年歲在癸亥孟冬知縣事  
高安吳學濂撰

案其時纂輯者邑人翰林院庶吉士陳大論前江西  
瀘溪知縣沈元煉湖北羅田知縣彭朝佐揚州府甘  
泉縣訓導蔣音孝廉方正史燾進士周懷濟狄颺舉  
人黃兆熊宋辰史貽謨任奎書彭暉生員潘望孫狄  
重陳匡馬述元捐資監刻衿耆狄如洵潘上達潘成  
吉王颺姚拔宋學瀛蔣國琦朱其學陳奕仁陳志馨

溧陽縣志銜名

各憲鑒定

太子少保協辦大學士兵部尚書都察院右都御史總督江南江西等處地方世襲輕軍都尉百齡

兵部侍郎兼都察院右副都御史巡撫江甯等處地方總理糧儲提督軍務 朱理

兵部侍郎兼都察院右副都御史總督漕運提督海防軍務兼理糧餉 阮元

兵部侍郎兼都察院右副都御史總督江南等處河道提督軍務 黎世序

吏部右侍郎正黃旗滿洲副都統提督江蘇等處學政 文甯

江南蘇州等處承宣布政使司布政使世襲雲騎尉 慶保

江南江蘇等處提刑按察使司按察使兼管驛傳事 楊懋恬

督理江安徽甯池太廬鳳淮揚十府糧儲道 繼昌

督理江南蘇松常鎮太糧儲道兼巡視漕河 李長森

溧陽縣志

銜名

江蘇分巡常鎮通海等處地方兼管河務兵備道督理揚由關務 劉澐

江蘇鎮江府知府 盧元偉

江蘇鎮江府鹽捕海防理事同知 懷錦

江蘇鎮江府糧捕通判管理客務 周岱

總修

前知溧陽縣事調任常熟縣知縣 李景嶧

溧陽縣知縣 陳鴻壽

協修

教諭 潘恩印

訓導 許會昌

縣丞 劉大章

典史

張廷杰

纂修

前興化縣教諭咸安宮教習

史炳

國子監學正改授常州府教授

史度

舉人

彭煜

歲貢生

彭敬

生員

史津

監理

監生

狄曼殊

封奉直大夫州同加級

狄箕

監生

趙亦庸

溧陽縣志

銜名

二

監生

馬繩武

採訪經捐

監生

史重修

監生

史藩

監生

韓季英

監生

莫廣才

監生

王如昂

以上永東區

副榜

蔣先庚

監生

楊彥斌

耆士

楊步蟾

監生

史聖康

生員

姜尊德

生員

莊泣之

以上永西區

生員

周懷珍

生員

周高煥

增貢生

潘昭

監生

潘芬

生員

潘韞玉

以上福賢區

職員

宋培

生員 狄修 廩生 狄升

生員 張履旋以上舉福區 舉人 葛暉吉

歲貢生 唐岐 生員 陶恩光

生員 趙魁 生員 宋序鏞

生員 唐燦 監生 戴清

以上明東區 生員 陳治

廩生 黃玉成 監生 宋紀良

以上明西區 監生 尤素行

生員 朱華 監生 張汝南

廩生 尤吉 生員 陳重光

監生 戴璜 監生 張挾

溧陽縣志

銜名

三

以上惠得區 州同 王際可

生員 方榕子煊 監生 錢玉山

生員 錢勳 監生 王利清

生員 王之維 監生 王拱辰

以上得隨區 副榜 吳再寅

監生 吳德先 貢生 朱東魯

監生 韋旭初以上從山區 生員 趙讓

生員 王旭 生員 虞學常

文學 虞名緒以上桂壽區 監生 湯岳

附貢生 湯徵召 監生 強南珊

以上奉安區 舉人 宋兆麟

職員

董嶽

監生

孫 鈞

職員

余 耀

監生

蔣達禮

文學

蔣繩桂

以上崇來區

生員

陳敦士

監生

沈 漣

生員

陳懷周

監生

陳岳泉

監生

潘學詩

以上來蘇區

葛 弼

檢討

陸際昌

監生

呂維寅

監生

呂匡武

附監生

呂維寅

生員

陸占鼇

附貢生

楊 浣

生員

陸鵬九

以上永太區

虞 謙

監生

張 珍

封登仕郎仁和縣主簿李 振

溧陽縣志

銜名

四

生員

馬玉駒

生員

馬樹榮

監生

梁 愷

生員

史蔚文

附監生

顏光鎮

以上永定區

舉人

彭啓光

生員

錢運增

生員

彭龍初

以上永利區

溧陽縣志凡例

一是書前奉 制府檄飭所屬纂送以備彙修江南通志並立程限務在詳明竊惟志書首嚴體例必式於成軌方可造車謹案乾隆元年黃中允之雋承修通志總二百卷釐爲十門輿地河渠食貨學校武備職官選舉人物藝文雜類粲然備矣子目數十分而隸之

四庫書目嘉其具有條理今輒依循其各條專例與各門總例附見書中者茲不具列覽者省照全編足以互相備云

一志者史之一體獨宜載輿圖政典之類而已然李吉甫元和志序有云古今言地理者凡數十家飾州邦而

溧陽縣志

凡例

一

敘人物因邱墓而徵鬼神則知自唐以前承用一律而偏隅記載較諸元和郡縣元豐九域一統之規旣是小大相懸卽須繁簡有別且邦人之意固不能備文而遺獻若輿圖政典之外更仿京口耆舊浦陽人物別爲一冊相輔而行亦祇簡編離合之不同非著作醜疵之所繫也是故後之述者正不必盡依史例惟瀏覽眾家不無通蔽或好尙古遠傳疑謠俗元和志序語或自述鄉國不

參他書

杜佑通典注語

此紀事之失盡飾勳庸常嗤連敗

劉勰文心

雕龍語

擢後生於首帙抑先輩於末章

劉知幾史通語

此列傳之

失又有土地職秩不實書當代名目而易以文言長吏達官不直書本人名氏而稱其位號今略循史例補正

爲多其漫無足考則姑從舊志云爾

一建置沿革輿地大經考之不審則疆域形勝旣昧方隅職官人物亦滋傳會案溧陽之爲縣遠起周秦其後縣有分合有興廢屬郡亦有異同事載正史非能鄉壁虛造而學者第勿深考改事失真遂使平陵設於楚將永平析於漢武指沛屬爲丹陽之縣移武康作瀨上之封誤始宋元非關晚近茲焉刊正悉據史篇

一山水所以標置封域區別夷險鄭樵通志謂州縣之設有時而更山川之形千古不易誠輿地中要領所在也然諸志皆散列名目中無脈絡可尋今敘山分三大支起首訖尾略依山海經例敘水分五大支入此出彼

## 溧陽縣志

凡例

二

略依水經注例並載方隅距里雖未能足跡周流用儀實測要皆訪之地著耆老熟路長年庶幾得其梗概覽者若更參之新製全圖則高下眞形宛然在目矣

一舊志本無河渠今依通志增立蓋川浸源流或可併入輿地至於高原下隰利病情形舊遏新塘廢興顛末若置之輿地是爲名義相乖史記無地理而有河渠前漢溝洫別於地志良有由耳且三江五湖溧陽各得其一遠關數郡之利近寄百里之命爲立耑門固非虛張部帙鑿空無稽也

一食貨以田賦爲本乾隆八年吳志所載現行科則信爲賅備前明亦尙條舉大端而宋元兩朝闕略殊甚今

悉據景定建康至正金陵二志補載兩朝舊額前明及國朝則參據符帥徐吳諸志并嘉慶四年賦役全書詳愼開列其餘一切倉儲戶版之數利用厚生之事凡史書案牘有足徵者不限今古詳著於篇

一 溧陽學校在古可考者漢之潘乾唐之柳均皆以宰官作之師非以博士專其席也宋大觀元年顯惠廟碑知縣縣丞簿尉猶並管句學事然則自宋以前師生員額弦誦條章茫然莫考矣故今之所紀亦第詳自元明迄於

盛世但舊志殿闕祠堂亭閣之屬分類敘之則使以同時而修建諸所勢將分見複出不若徑依時代歷敘廢興斯

## 溧陽縣志

凡例

三

文隆替之原亦卽於茲可見云

一 溧陽所治僻左非用武之地然自

國朝先有副將參將守備之設後改都司所轄溧陽溧水句容高淳四縣營汛兵馬之數戰守之規宜立武備一門用彰詰禁案舊志營汛之後附以鋪兵旗丁今改歸輿地食貨而此志則專詳兵制其前明馬政歷代兵事附載焉

一 舊志職官分類通敘如敘縣令則自東漢潘乾迄乎現任縣丞簿尉並依此科但敘至元代則苦非一例蓋其時路府州縣改置紛紛非令丞簿尉所能統括遂乃尹儕州將丞列州同州判與主簿同官吏目與縣尉合

職名實淆矣而尚苦於達魯花赤總管同知判官錄事錄判招討之屬無類可歸乃又別立一門曰添設諸官附於歷代官師之後自來志簿無此體裁今則斷代敘官不以一官通敘如此既免於元制之窒礙亦使累朝沿革具見本篇而繁簡之數亦即得失之林也又題名列傳乃知人論世吏治民風之所繫今旁考載籍自東漢光和四年至

國朝乾隆八年文職之屬增多吳志二百六十餘人其八年以後所續不在此數而自光和潘乾至乾隆間郭占選不限官師大小但政事文學足可儀型悉爲列傳命

曰名宦其不曰循良者從學宮建祠名目也

舊志官師之傳曰宦

## 溧陽縣志

凡例

四

蹟蹟應續字之譌耳從名宦爲是

一杜佑通典先選舉而後職官蓋以欲審官才必預嚴選士也但籲俊之法文軌攸同非此偏隅所當專載既規欲充卷必取題名豈宜擢此邦人加諸長吏則選舉之後於職官亦體勢然矣溧陽在東漢六朝之世分茅執珪半由承蔭殘唐北宋尚鮮登科迄乎建炎以後衣冠過江科第不絕沿元及明盛於皇朝百七十載進舉貢士已得四百餘人薦辟議敘不在此數今上下干禩蒐討名籍分途記之科仕之盛衰固由於士族之眾寡要亦運會使然也

一書中爵秩封蔭本非列傳而置之人物志者以其不

得敘入選舉又不能悉予列傳若不歸諸人物末由見其姓名故也又案舊志人物義取廣爲表章今茲改纂並未刊落一人或見他書并與增加軼事至於新所採錄咸有據依首徵史集碑摹次取宗譜切結其完節奉旌之外祇以採訪譜結爲憑吳志凡例亦只據此耳一郡縣志每輯詩詞敘記名爲藝文甚而分體別卷儼然選本今依宋范成大吳郡志例詩文之類散附本條而藝文一卷則依歷代史志但載書名卷數撰人名氏分轄四部無取斷章始欲訪求諸書尋究大指依宋代以來著錄家例每書作一解題奈其存者十無一二故遂闕如非甘爲是疎略也

一是書訂正譌繆往往附見本條以便省覽其或偶未置論及語焉而不詳者悉歸之雜類志名曰疑辨雖此外不無挂漏中間亦有支離要其本衷在於實事求是異乎好生矯誕喜述前非者也范甯頗糾穀梁劉炫專規杜預道元明水經之失實君卿黜鄉郡之謬書專門述作尙容替否若此者眾矣況於後來記乘取辦一時卽非郢書之流斷無墨守之例何言蠹生於木而還食其木耶雜類志又有瑞異則五行符瑞前史固嘗專記有紀聞則世說語林史通所謂瑣言者也卷終補遺與建康拾遺金陵摭遺循名則近核實固殊彼所錄者古今軼事卽此書紀聞是也此之補遺則頗有書成方始

搜得者亦間有正文難以位置者故悉補之卷終以備  
參覽

一新志援引之處必標注本書非夸示涉獵也作者欲  
更繙卷軸比唐堂之自規覽者或共討淵源作蕭山之  
刊誤胡三省敘通鑑有云前注之失吾知之吾注之失  
吾不能知也昔賢秉心虛公若此篤雅之士尙其鑒諸

溧陽縣志目錄

凡新敘二篇舊敘跋共九篇銜名四頁  
例十四篇舊敘跋共九篇銜名四頁  
圖說十六幅俱不入卷

卷一

輿地志

建置沿革

疆域附星野

山水

風俗

城池

公署

卷二

輿地志

驛鋪附亭館

區村

橋梁

坊表

卷三

輿地志

溧陽縣志

目錄

一

古蹟三城亭臺碑帖雜物

園林

卷四

輿地志

壇廟

祠墓

寺觀

卷五

河渠志

水利總說

塘堰

卷六

食貨志

田賦

漕運

稅課鹽法雜項

戶口

耆民附農官

蠲卹

積貯 庫倉又附  
前代廢倉

養育 二堂一院  
附義阡

物產

卷七

學校志

學宮 附諸  
祠

學額

學田

書院 附考  
棚

社學義塾

鄉試錄對附

卷八

武備志

兵制

汛地

前明馬政

兵事附

卷九

職官志

溧陽縣志

目錄

二

文職

文題名

武職

武題名

名宦

卷十

選舉志

進士

舉人

薦辟

貢生

耆儒科銜

例貢監

各途文職

武進士

武舉人

各途武職

卷十一

人物志

古爵秩

封蔭

宦績

卷十二

人物志

忠節

孝行

義行

卷十三

人物志

儒林

文苑

隱逸

始遷徙 附 外

流寓

藝術

方外

卷十四

人物志

賢淑

才媛

貞孝

溧陽縣志

目錄

三

篤孝

貞義

貞烈

完節

卷十五

藝文志

經部

史部

子部

集部

卷十六

雜類志

瑞異

紀聞

疑辨

補遺

溧陽縣志圖 并說

溧陽新志首列全圖據今封域所作也

案兩漢溧陽水高

溧三縣之地吳罷溧陽以其東境置永平晉宋齊梁陳

之代西溧陽東永世隋之開皇東仍永世而西改溧水

唐之武德西仍溧水而東改溧陽歷宋元明以迄於今

未之有改然遠年四至無文足徵故此圖及疆域條下

祇據今言之大抵唐宋以來舊壤如此惟 縣東西百里

宋端拱嘗割三鄉益建平餘難悉考矣

南北百五十里乃舊圖東西反三倍南北真形全失覽

者迷方今先畫方格每格十里以紙覆之山川城鎮方

隅距里準格定列於晉裴秀所論六體差得大意惜未

獲準望耳次城圖又次縣署圖又次學宮圖亦並據今

治未附名勝圖十二咸古蹟所繫見於史集諸書餘不

備列云


溧陽縣志

圖


一



城圖





圖





溧陽縣志

縣署圖



圖










溧陽縣志

圖

長塘湖有管宋  
閻戰事五湖之  
一也  
成和舟軍春始  
水墩久矣承平  
湖上一尉



盤白山晉李  
盤柏傳康  
六朝屯否  
邑多道隱  
黃鶴前張  
蟠仙後遊



八



溧陽縣志

圖

十



平陵晉縣  
周圯所封  
義興郡屬  
也唐孟東  
野射鴨堂  
在焉  
射虎家先  
數封六縣  
如何竹弓  
笑彼浪蕩



太白酒樓宴別張  
旭盧今建之縣城  
非故址矣  
前有猛虎復有長  
鯨一吞東海空梁  
月明

圖



北湖亭太白  
避此有詩  
與白遊者  
曰玉山人歌  
存溧水大江  
楊塵

圖



圖

十一

溧陽縣志

圖

十二



燕山在城南  
金地藏嘗行  
脚至此七月  
香烟之盛亞  
於九華  
策竹實坊  
鐘魚清梵王  
子所經化城  
斯古

溧陽縣志


圖

十三









溧陽縣志

文昌閣在城上崇祀  
星神邑中崇祀佳處  
安溪先生為作畫贊  
下有堂而亭杜姚斯  
陳伯璣嘗詩咏焉  
清家祠星子塔喜而  
俯仰入天歌歌今古

圖



鳳皇橋縣西北里許  
初自明代康熙開重  
建趙氏忠義石在焉  
与木白酒樓相望雙  
橋兩水適合宜城北  
樓句意  
費胥西采醉白東遊  
試跳雙虹江湖漁地

圖





平陵書院在滄嶼  
園東乾隆間建後  
園蒼雲石宋物也  
嘉慶壬申陳明府  
徙城南玉玲瓏諸  
石於西齋因題其  
堂曰友石  
鹿臺既廢禮堂以  
興惟德不孤它山  
作用

四四



英湖江洪繪圖



溧陽縣志卷一

輿地志

建置沿革

周溧陽先屬吳

案吳越春秋越絕太平春秋時已有溧陽

定建康志並據滕公廟記謂固城本吳之瀨渚縣為楚

所陷乃移置陵平縣楚復收之改為平陵今案周秦兩

漢之書並無諸縣名目而廟記辨屬越元史六年表周

文殊不古未足憑也詳見疑辨

吳後屬楚故吳地至浙江北破齊於徐州殺王之無疆滅

在周顯王縣治所在未詳今據高濇公廟記則吳之瀨渚

治今平陵山要皆未亦未知有無屬郡秋杜佑通典謂春

有確據不如闕疑亦未知有無屬郡秋杜佑通典謂春

傳云上大受縣下大夫受郡至於戰國則郡大而縣

小故甘茂謂秦武王曰宜陽大縣名曰縣其實郡也而

越絕書稱始皇帝三十七年壞諸侯城郡是周末諸

侯固多以郡統縣如戰國策楚以新城為郡楚世家諸

襄王取秦所拔江芻十五邑以為郡秦本紀與否耳

郡十五縣皆其確證特吳越之地未可知置郡與否耳

秦仍置溧陽縣始通典謂溧陽秦絕書乃漢袁康撰據稱

始皇帝三十七年東遊之會稽三度在秦俱號東安東安

今富春丹陽溧陽四字衍文耶然富春之改東安亦孫吳

抑事豈秦代已有此耶抑越絕三國時書非出漢人耶

縣治未詳屬鄣郡郡治今長興縣舊志云秦溧陽屬

後漢書郡國志注晉書地理志劉敞謂秦郡無此所未

詳也據兩漢志溧陽屬丹陽郡郡治今長興縣舊志云秦溧陽屬

然則秦溧陽屬鄣郡差為可信矣宋王應麟通鑑地理攷

釋謂郡治故鄣今在

湖州長興縣西南

兩漢並置溧陽縣西漢治未詳東漢蓋治今高濇固城

案光和校官碑即溧陽長潘乾德政碑也應無立又案

在遠鄉之理宋紹興得之固城湖疑其去治不遠

西漢初縣所屬國先為韓信楚繼為劉賈荊後為劉濞

西漢初縣所屬國先為韓信楚繼為劉賈荊後為劉濞

吳又後為劉非江都然其所屬之郡皆鄣郡也至武帝

元封二年廢鄣郡置丹陽郡縣始改屬焉丹陽郡治今

甯國府案兩漢志丹陽郡並有溧陽縣又案元封二年

陽仍治鄣郡也漢志於丹陽郡謂鄣屬置丹陽非謂丹

下別出故鄣則丹陽郡徙治宛陵不仍治故鄣矣至東

漢建安之末孫權以呂範為丹楊太守丹楊即丹乃徙

郡治於建業則今江甯府也據三國吳志呂範傳

吳省溧陽為屯田又分其地置永平縣據宋書郡志縣治疑

即今城南十五里古縣是案今境內有古治三城西北

也城西三十五里平陵城晉永世所分平陵縣唐溧陽縣治

郡郡治仍東漢末屬丹楊

### 溧陽縣志

#### 卷一

輿地志 建置沿革

二

俱屬丹陽郡據晉書地理志永世仍吳永平治溧陽仍漢治郡

治仍東漢末永興元年又分永世置平陵縣俱屬義興

郡據晉書地理志平陵治今城西三十五里平陵城義興治今

宜興縣尋以永世仍屬丹陽郡案宋書州郡志稱晉惠

舊謂永世仍屬丹陽也帝世永世屬義興尋復

平陵蓋屬義興如故

宋元嘉九年以平陵併入永世溧陽二縣俱屬丹楊尹

據宋書州郡志縣治蓋仍漢晉之舊尹仍東漢末郡治

南齊溧陽永世二縣俱屬丹陽郡據南齊書州郡志郡縣治仍

舊梁陳同

隋平陳廢永世縣開皇十二年復置屬宣城郡十八年

改溧陽為溧水縣屬丹陽郡據隋書地理志案唐李

屬蔣州又屬潤州  
大業二年屬宣州  
永世仍晉治溧水治疑卽故城東開

化城據寰宇記宣城郡治今甯國府丹陽郡治仍東漢末

唐武德三年析溧水置溧陽縣屬揚州七年更名蔣州

八年復名揚州九年州廢溧陽屬宣州上元元年改屬

昇州二年州廢還屬宣州光啟三年復屬昇州據唐書地理志

及縣治在今城西北四十五里舊縣村天復三年徙今

治其揚州與蔣昇二州俱治今江甯府非今江北之揚

州也宣州治今甯國府自唐以後溧陽永與溧水分縣

其永世之地蓋盡併於溧陽

楊吳溧陽縣屬金陵府南唐溧陽縣屬江甯府案昇州改府見

五代史吳世家地理志縣治同今府治卽今江甯府

### 溧陽縣志

#### 卷一

輿地志 建置沿革

三

宋初溧陽縣仍屬江甯府開寶八年府改昇州天禧二

年復舊建炎三年改爲建康府縣亦隨時轉屬參據宋史地理

志景定建康志縣治同今州府治並卽今江甯府

元至元十四年改溧州十五年改溧陽府十六年改路

二十八年革路存縣元貞二年仍改州據至正金陵志屬集慶

路縣州府路治卽今縣治集慶路治卽今江甯府

明洪武二年改溧陽州爲溧陽縣屬應天府據南畿志縣治

同今府治卽今江甯府

國朝溧陽縣屬江甯府雍正八年改屬鎮江府署總督史

八縣爲請分首府之屬縣改隸別郡等事江甯一府所轄

距府二百七十里由縣至上興埠水路七十里小河沙

淺舟楫難行又陸路三十里山路一百四十里更屬崎

一有且非驛遞通衢公文上下押糧解犯等事素稱不便  
江甯府也又查鎮江一府只轄丹徒丹陽金壇三縣不  
若江甯八縣之多况溧陽至鎮江府城止二百三十里  
較江甯更近四十里且係內河一舟可達遞送公文  
押解糧犯深屬便宜請將溧陽縣改隸鎮江府云云

### 疆域

縣治東十八里至葑埭東南二十七里至余山並荆溪  
縣界南七十里至石屋山廣德州界西南七十五里至  
梅渚建平縣界西八十里至三塔墩溧水縣界西北八  
十里至瓦屋山句容縣界北五十里至界牌橋金壇縣  
界東北三十里至楊巷宜興縣界此鄰界距里也縣治  
東九十里至宜興縣治南一百五十里至廣德州治西  
南一百二十里至建平縣治西一百七十里至高淳縣  
治西北一百三十里至溧水縣治北一百四十里至句  
容縣治東北一百一十里至金壇縣治此鄰治距里也  
又縣治北二百四十里至鎮江府東南三百四十里至  
蘇州省城西北二百七十里至江甯省城北二千五百  
七十五里達

京師

### 附錄星野

江南爲禹貢揚州春秋吳越地其星野之說自星經史  
漢月令章句周禮鄭注之類或主星紀或主牛女或主  
熒惑或主北斗第六星雖非實測然固指江南全境而  
言從未聞以江南某邑屬某星次也吳穎閻史竟以溧

陽屬北斗第三星陳周瀨水備聞又以溧陽當北斗第

一度今所不從而星野名目附諸疆域之下詳見疑辨

山水 凡定方隅悉以縣治為主若誤以四境中心定之則與此不合覽者詳焉

山 案建康金陵二志所載諸山高廣之數俱非實測今並闕之

起東南至正西分支北向為山之一宗其山首曰銅官

嶺 唐書地理志溧陽有銅建康志云今土中熒然有銅如麩狀然董董取之不足以償費是宋時己不甚產

此今則 在縣治東南八十里西有長岑東為荆溪境

無之 西十里曰鐵山 唐書地理志溧陽有鐵今亦無 在縣治東南六十五里

又西五里曰三鶴山一名僊山 山有潘真君廟寰宇記云昔有潘氏兄弟三人

於此求仙化三白鶴而土人又或以三仙為葛朱潘里俗流傳說多傳會因係此山命名之故遂妄仍之餘悉

仿此修之 湯泰亨三仙山記略養安其天年而已而以過好修之士植本葆真隨分養安其天年而已而以

溧陽縣志

卷一

輿地志 山

五

為蛻化行虛周遊八極者夫誰見之即蛻化云乎未有

不棄形骸同於恒耶且云仙家日月不常方經七日

幻想而失各不足之真埃日更辰於仙家萬萬也則何

世已千年反不如塵埃日更辰於仙家萬萬也則何

貴乎仙家也哉宋世朝貴向希夷先生求黃白飛昇之

術欲作天上遊希夷曉之曰欲往天上將作何事而曠

職朝廷君民誰任罪譴頻加何仙之有說者謂希夷一

睡月餘是昏昏長夜誰為惺惺乎殆皆妄也又考其壽

紀不及百年何必如神牛嶺三仙相傳為葛家朱為潘

日有妄乎人言有墓即金牛嶺三仙相傳為葛家朱為潘

云安歸乎人言有墓即金牛嶺三仙相傳為葛家朱為潘

勝山高水秀俗樸人勤日夕從事孝弟力田踐土食毛

蠶桑射獵牛羊成羣蔬果盈圃松竹交加家給人足不

絕一人逃世作辟穀枯禪雖僻處幽林而百貨通衢並

者咸曰仙府無飲之者咸曰天泉所謂蓬萊瑤島甯或

之凡我居人無忘此樂願言共之故著真仙說以記勝

玉吹王生朝夕數忽經四年今冬言別無仙以相囑仍

拈好修二字以課實學毋得虛談術業同神仙影響以

在縣治南七十里

又南五里曰金牛嶺舊縣志云古老相承有僧逐金牛

夜陰雨則在天燈見在縣治南七十五里四面皆山中亘一嶺長

十五里許南為廣德界

又西五里曰松嶺在縣治南七十五里

又西五里曰梅嶺在縣治南七十五里

又西三里曰青峯在縣治南七十五里舊縣志云上有雲岫菴幽闐絕

塵明太祖駐蹕題詩云青山頂上一茅屋僧舍半間雲半間夜半雲去作雷雨回頭不似老僧閑康熙徐一

經縣志謂此歸宗菴主之偈曾於匡山寺見之前後入

易數字為傳會無疑姚勳詩十年慕幽壑今始入

青山桂滿仙人窟苔生棋子斑泉聲鳴石洞風籟發松

關寺僻誰題詠雲封自往還日長遊思永林靜客心閑

遙指歸來處附近有伏峿

由青峯迤邐向北為山之一支計北十里曰松山舊縣志云

溧陽縣志

卷一

輿地志 山

李白改題曰五松山不知五在縣治南六十里

又西北五里曰搏虎峿在縣治南六十里

又東北十里曰金山嶺在縣治南五十里

又西北五里曰寨山在縣治南五十里舊縣志云山頂平曠相傳宋末

義民結寨其上與新野千戶陳翼抗戰

又東北十里曰神山在縣治南四十里

由青峯而西北折向城為山之又一支計西二十里曰

重九嶺在縣治西南六十里南為建平境

又西北七里曰伍牙山一名護牙輿地廣記云子胥伐楚還吳經此山故名

然莫曉牙字之義建康志引俗說子胥美齒牙避楚至此恐為人所識以石擊毀其牙山神護之不毀徐志則

云以子胥建牙得名不取護牙之說要在縣治西南六

之同一鑿空元史阿刺罕傳作護牙山

十里

又東北二十里曰鵝鵠嶺在縣治西南三十五里

又北三里曰桂林山在縣治西南三十里宋汪藻挹秀堂記云南則

翠陰晴嵐與人應接者桂林諸山也即指此山後有大磐石二一曰太古元

貞一曰留雲

又東北十里曰呂長山金陵志云下有呂將軍廟在縣治西南二十

里

又北五里曰吳冶嶺在縣治西南十九里其頂有石曰

龍窠

由吳冶嶺向城又分二支其一支嶺東北十里曰燕山

在縣治西南八里吳環過燕山山下望山遠誰知山幾重出雲羣石色過雨半林容溪渡

溧陽縣志

卷一

輿地志 山

七

思樵杖巖栖悟聽鐘荒山南有駙馬芥

又東南五里曰屏風山一名平分山其別峯曰金雞在

縣治南十里

仇遠九日晴因過友屏峯上方登高天借重

人共畫棟朝飛與客登旋摘菊花浮臘醞待分貝葉讀

秋燈餘生有暇須行樂漫向松岡嘆廢陵韋元准訪屏

風山了獨出南關僧伴話歸鐘樓佛閣霏霏草根縛筆

題牆人曾此托幽棲新詩欲和猶存壁野水初生半沒

馬上方雲令遠聞鷄新栽松栢與簷齊境空大地三

山認取當年遊息地琉璃靜對一蒲團欲聽經語鳥

千界隔塵區八盤如喜客來猿擲菓黃詢遊鳥

樓闌風流誰似陶彭澤社常將醉眼看溪橋碧掛村

風山遠山如見招屏開左右雜坐芳草茵領略風光

久清談半帶禪千佛在我口耳目雙峯列帶斜陽一徑

松風夾磻長路近竹林難見寺雲寒塔儼飛霜處緣垂

書帶草  
痕香

其一支嶺西北五里曰石門山在縣治西南十五里

碎石門山春雲醉日不成霞沙上刺桐三兩花白馬

錦韉霄漢客綠陰茅屋野人家浮生有酒且同醉公事

勞人何用嗟頗覺三農了征稅藝麻薺麥足生涯久欽

江總詞章好更喜倪寬經術存落日大堤曾並轡春風

別墅共開尊郡齋白晝時分席野寺黃昏未

掩門自愧簿書無暇日憑君喚起舊詩魂

又東北五里曰大石山頂有怪石申古刻龍洞二字旁刻其

麓有白龍池雖旱不涸龍祠在焉山頭兀龍石下有靈石

物阻深宅僊壇秋靜明躍泉光墨池飛雲沛甘澤瘦藤倒

掛古洞前僊壇秋靜明躍泉光墨池飛雲沛甘澤瘦藤倒

雷飛上天燒強銳大石山道室權學跏趺坐微聞妙

道香石厨燒檄山榼送檳榔人老花新舊杯遲話短

長枯禪如佛相冷眼笑人忙彭九齡大石山秋光黃

更欲攀攜杖入西山古洞龍常蟄寒林鳥獨還秋光黃

菊瘦夜雨紫苔斑踏月歸來晚微風吹酒顏遊大石山

遊大石山宋其武邀觀劇答謝風吹酒顏遊大石山

君來為過叩僧關霜銷落葉鳴雞早鐘擊空林飯鳥閒

田野歌喉齊白雪衣冠抵掌變朱顏懷人遙已同武子

千里猶然在縣治西十四里

又東北三里曰仙人山在縣治西十里旁有七里岡

又東北三里曰菱山俗名小山一名巧石浜廣韻浜安

此地泊船處距其麓有石林俯瞰龍湫相傳雪禱多應

在縣治西五里趙桌菱山題名咸淳二年九月四日

溧陽縣志

卷一

輿地志 山

曉入荒溪斷岡多年廟食龍王要漆上篙水	不遠山中一瓣香灌木隨車舊涼開彭謙重遊山	莫疑徑初成謝草欲來莫待蕭蕭兩鬢催當年題詠蒼	苔得逢佳節須行樂此樓臺萬竹第宅無煙火太史看花紅	山藥亂故人送酒白衣來神僊第宅無煙火太史看花紅	草萊野老未曾通姓氏相逢謂我竹籟才彭若星春	日莢山酬史仁里通亭背相逢陰松竹限巖扉窈窕薛蘿	開湘文蝕蘇半成碑下江樹重話當年事來斷飛梁全學	萊春陳宏欲流日曉風吹師陳少尉泛舟小山移煙艇卻滿	野春光翠欲流日曉風吹師陳少尉泛舟小山移煙艇卻滿	擲鼻盧當酒籌座有康成經旬不質侶彭同泉石移煙艇卻滿	高眺望思千里為問奚囊得句不質侶彭同泉石移煙艇卻滿	日重遊莛山江臯松竹向平臺結伴重登九月十憑	外夕陽隨鳥盡中臯松竹向平臺結伴重登九月十憑	徑秋聲變草萊令促鐵馬驚風驟短檐西窗斜月一才	彭禎源莛山別墅促鐵馬驚風驟短檐西窗斜月一才	織雲石砌間無鹽年來歷盡風塵苦到野應將名姓	荔湖蕁堪煮鼓無鹽年來歷盡風塵苦到野應將名姓	潛樹吳穎巧石浜感賦去始知老子入山臺祇有春字	幾蒼荔溪上題詩掃綠苔小山遊影入漁汀天劃神鏤	想雄才陳掖臣小嶺截浮沈烟鳥飛步上磨崖迴讀偏	石骨靈濃淡水雲半嶺截浮沈烟鳥飛步上磨崖迴讀偏	三江白秀領吳天半嶺截浮沈烟鳥飛步上磨崖迴讀偏	古江白秀領吳天半嶺截浮沈烟鳥飛步上磨崖迴讀偏	負嶠銘踞虎聳泰巧石浜苔古題難覓荷新香欲流故邱	人攜手別相約桂花與澄潭空興值秋風發謫仙招不歸	瑤峻琢山骨心與澄潭空興值秋風發謫仙招不歸	徒抱雲	間月
-------------------	---------------------	-----------------------	-------------------------	------------------------	----------------------	------------------------	------------------------	-------------------------	-------------------------	--------------------------	--------------------------	----------------------	-----------------------	-----------------------	-----------------------	----------------------	-----------------------	-----------------------	-----------------------	-----------------------	------------------------	------------------------	------------------------	------------------------	------------------------	----------------------	-----	----

溧陽縣志

卷一

輿地志 山

九

以上起東南至正西諸山首尾據採訪所及略為

敘次者也

外有以上諸方錯出之山其在縣治東南者計距六十

五里曰侯堂山又附近橫山是多奇石

距六十里曰結都山

舊縣志云嘗產石煤案後漢書郡國志豫章建城注引豫章記縣有

葛鄉石炭二頃可然以爨即此石煤矣方以智通雅謂山陝別有石炭一種永樂抽分書分煤與石炭為二項所未詳也又案本草綱目以石炭煤為一而云南北諸山產處亦多然今江南用以之大率取資湖廣微獨溧陽結都久不產此也

距五十里曰新婦山

距三十五里曰雲泉山山上因泉名一名下山又名蔣

山

距三十里曰句山山形如鉤故名

又有陽山圖山舊志並無距里

在縣治南者計距七十五里曰塹山案字書無塹字此

山者瀨水備聞南境有坳山而與塹塹聲近疑坳山亦名塹山或塹山或塹山

距七十里曰石屋山志建康志云山西有鑄劍於此引鍾

溧陽縣志

卷一

輿地志 山

十

鼎石屋幽棲柴扉無客畫長關石壁藤蘿手自攀	犬不聞啼鳥歇一泓寒水自潺湲採得丹砂生白烟	山屋下卽壺天一聲空鶴叫古雲鬱是龍文光誰令甌	魏麟徵石屋古冶爪髮投洪鑪紫霧攢飛芒結為雙	治子成涵清鍊剛得君佩風塵甯自藏	蓉秋水涵清鍊剛得君佩風塵甯自藏	野望多奇峯閭形平似屋角雙青一插遠空屋中冷	燄潛伏憶昔閭形平似屋角雙青一插遠空屋中冷	岫勢裂幾年萬鍊不敢韜壯心呼截髮指齊金	鐵扶輿美幾年萬鍊不敢韜壯心呼截髮指齊金	兩爭遁形炎煙赫聲錚銜英銘玉曜秋水蓮花時	傍雪花明盤繞灘頭忽飛去龍變化雲雷驚鳴呼	將鑛錫孰彷彿雌雄未許拘神物闔閭已逝劍亦往	山不改當年色狂歌醉倚長天藏鋒且自安吾拙	沈瀟石屋山金精已飛去兔相往還山雲煙滿目	霸氣寂以闌寒林交悲風狐兔相往還山雲煙滿目	慨臨吳關吳宿南斗幽巖顧雙丸嵯峨立巨千載形	頻改觀高岑宿南斗幽巖顧雙丸嵯峨立巨千載形	追攀我思鬱以紆陟嶽興長	嘆神物合變化隱約光芒寒	距六十五里曰天井山 <small>空四壁陡立故名</small>
---------------------	----------------------	-----------------------	----------------------	-----------------	-----------------	----------------------	----------------------	--------------------	---------------------	---------------------	---------------------	----------------------	---------------------	---------------------	----------------------	----------------------	----------------------	-------------	-------------	----------------------------------

距六十四里曰姚峇

距六十三里曰李倬峇

距六十一里曰長岡嶺曰年荒嶺曰梅嶺峇

距六十里曰金陵山曰落馬嶺曰碧嶺曰缸垚嶺

距五十五里曰鯉魚嶺

距五十四里曰伏虎山

距五十二里曰羊曇山

距五十里曰銀方山曰氲里山曰鎖山曰蒜山曰懸鼓

山建康志云遠望若垂鼓故名

曰崔峇

距四十五里曰錫華山一名小華山

距四十里曰丁山嶺曰田瓜山

溧陽縣志

卷一

輿地志 山

十一

距三十里曰上胡嶺曰後陳山

距二十五里曰嶠山

建康志云嶠字土人音溝字書未見

曰高要山

距二十里曰泉山

距十七里曰篤山

距十五里曰庭子山曰甌榦山

距十里曰丁家山曰辰山曰城子山

又有楊芥近戴步龍山芥在得隨鄉舊志俱無距里大

潮山雞籠山在得隨區來冊俱無距里

在縣治西南者計距七十里曰折牙山曰鐵冶山一名

鐵峴山

建康志引山謙之丹陽記云永世縣南鐵峴山出鐵今揚州鼓鑄之又引輿地志云前代鑄錢

處案廣韻此一帶多產銅鐵今並無之

距六十里曰高官嶺曰獨山一名金峯曰七廟岡曰千墩岡

距五十五里曰石畝嶺曰仙人嶺曰白沙嶺曰下浮岡

距五十里曰塔山曰虎山曰仙山井舊縣志云下有泉可以愈癘曰三

王山一名三首山建康志引舊志云相傳楚王與眉間尺并一客三首葬此因名誕妄不足

也辨曰富山曰梅山昭舊縣志云相傳梁曰遊子山

距四十五里曰高貴山曰泉水山曰板山曰石山曰走

馬岡曰義城山舊縣志云下有墟落云是宋末居民結寨拒元之蹟近村多以義名者皆其類

也

距四十里曰龍潭山南溪之水出焉建康志云上有龍潭側龍王祠禱

之有應陳抃若龍潭山居我欲買山隱山空雲路長耕耘隨短菊風雨滌修篁豹變生元霧蟬清叫夕陽披襟泉石外應是夢巖廊茅屋雲深處依山入望斜添厨飛瀑水護壁引籬花世事真無策吾生信有涯漁樵

溧陽縣志

卷一

輿地志山

矜一諾燈曰從山日子山曰谷山舊縣志云山北有渡火共隣家

入中江舊傳子胥奔吳由伍牙山經此渡江曰荆山山

南有東西二柱峯東峯曰紫雲巖西峯之西是為神墩

舊縣志云山有靈氣出雲必降霖雨遠近觀望以為占候又有東西二泉暘暎不竭灌漑資之閭史云山上有紫雲菴又數石分列曰獅子石曰龕石曰盤石山西有神墩高山又餘廣六畝澗水洄林木蔥蔚亦勝地矣舊

縣志荆山又有烽墩頂高二丈相傳吳楚守其東有桃望處有播羅墩在荆山之南田坂或云響墩

紅芥北有廟山芥曰盤白山據舊志山以晉李一名高

邃山山有高邃洞幽深叵測宋置太虛觀故又名觀山

第二峯石上窪處俗稱仙人蹟或謂之仁虎峯舊縣志云李真

人飼養一虎不血食錢自勉登盤白山孤峯高潔出塵埃試拂春衣坐石苔眺遠思隨雙鳥度應時心逐

百花開野芳散地難將去樹色臨湖欲過來怪得山中

多伴侶鹿羣呼趁不相猜任啟運九重遊梅山蔡臺

登盤白絕頂賦兮維不聘余馬於梅山兮問九江之指豹  
嗟漢季之陽阨兮其隱憂兮假輶傳而剪嗽之乃黼迹於  
虎矚兮豈充耳之與於韶鈞歛德輝而容與兮撰余轡清  
乎此茂行兮訪仙牀於石道兮維予馬之故與兮撰余轡清  
時之茂行兮與夫於石道兮維予馬之故與兮撰余轡清  
以他造維有道之黃籟兮嗟爾才蕙于美楓兮常識夫爨  
書臺兮曰維有漢之蔡邕兮嗟爾才蕙于美楓兮常識夫爨  
下之焦桐兮忽改乎此不閱兮涕國狼而自蒿蓬何匪三  
之步也望高而崇仰止兮盤白椒之從躡謝履而相從幽  
居兮謁元帝之崇仰止兮盤白椒之從躡謝履而相從幽  
足支頤而膝屈兮手捫蘿而攀松維眾客之不從幽  
余攀躋而益上雲總其在下風飄颻而益爽墜康兮  
於雲中飛鳳兮懷於東良朝宗橫震之嶽九龍石潭之深  
隱兮呼眠驪而與爾載鼓之淵兮駕雲旂而與朝深  
水夫下土余將與爾載鼓之淵兮駕雲旂而與朝深  
豐隆兮予而前導兮西折予之未具余將東擗若木與  
紫彪兮招白鶴而俱乘兮西折予之未具余將東擗若木與  
聞之墮鶴又告予以南鄰兮敦搏羊角使前驅兮廛下歷涉于

溧陽縣志

卷一

輿地志 山

穹窿望帝閭其未遠兮竝呼吸之可通左句望與蓐收  
兮右元冥及祝融開閭闔而延余兮將入揖夫九重  
靈奎以占之靈氛兮捐筭而釋龜兮降云螻蟻之落龍  
山之接武兮苟昭何質而無虧兮曾戲馬臺其寂寥兮豈  
皇之極兮懼義和復之長迺抑志而逐余節兮且返吾之  
何服迴予馬以復之長迺抑志而逐余節兮且返吾之  
初蕙兮何必茱萸之為佩也荃信兮美而可慕兮終庶  
春蕙兮何必茱萸之為佩也荃信兮美而可慕兮終庶  
之吾逮也亂曰升彼麥纒必自卑兮攀兮躋兮終庶  
兮去日苦多滋悔兮凡百君子莫余怠兮追其東北有

趙芥又有岡曰夷廟曰石陵有嶺曰金冶

距三十八里曰草鞵嶺

距三十七里曰鷺鷥嶺

距三十里曰丁山

距三十五里曰鳳山

距二十二里曰黃泥岡

距二十里曰朝山曰茅尖山曰頭陀嶺曰駟馬嶺

距十八里曰茶曹山

在縣治正西者計距五十里曰浪窖山

距四十餘里曰黃山

建康志引舊志黃鶴僊人於此得道因名今有觀案今此觀久廢

距四十里曰張家山曰父山曰安山

距三十五里曰平陵山其西有晉平陵廢縣

元和郡縣志云晉成

帝時李閎圍韓晃於此山斬之建康志表謂李閎追及張健等於此正一事也晉書蘇峻傳則謂閎斬晃於巖

山距平陵山亦祇二十餘里未為互異而舊縣志稱閎

李湯所執斬于車騎府不言逸奔溧陽成帝紀則云逸

以萬餘人自延陵將入吳興王允之戰於溧陽獲之與

# 溧陽縣志

## 卷一

輿地志 山

十四

距三十餘里曰前山

舊縣志云山頂有墩俗傳為蔡邕父墳此等傳會不足辨也下即所

稱蔡邕讀書臺

曰鳳皇山曰蜒游山曰蜈蚣山俱以形得名

距三十里曰九龍山

彭九龍山前湖水明下移青松四

時色長伴白雲千古情優游歲月老將坐歎林泉意

未成安石何曾果忘世恐將虛望繫蒼生馬繩元前

題重山中陰奪遊人路重岡四合層城峯濤一湧千

相顧岑寂僧寮無俗塵蔽門翠竹不知數山僧日聞

距二十五里曰烏山

距二十里曰龜山

距十五里曰漁父山

距十二里曰投龍山

烟樹前有新婦嶺後有王母芥又旁近有王佐山金魚山

距十里曰雞籠山曰姥山曰巖山晉書蘇峻傳李閔斬

距七里曰金雞山曰秀山

距五六里曰冠山曰小石山北麓有奇峯石壁

以上起東南至正西諸山首尾未經採訪敘次者

也今案從山區又有窑山汪渚山大照山萬

起正西至正北為山之又一宗其山首曰芝山建康志

洞天山有燕洞產石如燕俗傳雨則羣飛晴則仍化為

石有龍洞乳水下滴諸洞大者至容千人四山奇石林

立梅仙洞前觀音石尤為瑰異山下有泉曾潭之府雖

旱不枯也馬世俊芝山野路荒棘滿衣亂雲點

鳴點巖飛咒開石壁成靈鳥望入金陵接紫微天半鼓

溧陽縣志

卷一

輿地志山

昔聞梅仙居千秋誰繼起我來陟其巔縹緲雲峯裏懸

崖隱竇旁搜極眾美翹首赤松遊緬懷黃石履豈無

齋房姿靈根茁榛杞如何付樵牧人樂徙倚允無車馬

喧惟見烟霞紫齒又前題極盡奇觀外飄來任端書

雲巒空山三十六洞行來嘯却識張公劍鏹來任端書

北五里曰方山在縣治西八十里山有白石峯象鼻峯

白石洞青龍洞石馬澗桃花芥王曰曾晚過青龍洞

歸鳥尚徘徊纔從芝嶺雲中下還向龍潭雨飛龍噴

方山竹色寒分青嶂松濤響擁白雲峯頂泉雲裏數

巖間夜語天聞坐對山巨石驚聽方山嶺奔泉雲裏數

層丹壁溪外孤村白煙彭會淇方山環山屈曲綠

溪斜石戶雲封小隱家蒲荻一翁舟作屋楓林幾從樹

為花香來野菊開荒徑喧寒鼻宿淺沙半畝欲從君

世卜宅但聞鐘磬聲杳杳洞門古澄方泉竇清白石問自

臥倚徙  
秋風明

又北五里曰曹山一名曹姥山建康志引舊志云昔有曹姥獨居此山死於石

室葬山下後人為置聖姥祠祈禱多應在縣治西北八十里瀨水出焉

又西北十里曰分界山在縣治西北八十里西為溧水

境

又東北三十里曰瓦屋山建康志云山形連亘兩崖稍隆起宛如屋狀在縣

治西北八十里北為句容境其前鹿步山上有仙人石

浴池大旱不竭西為溧水境

又東十五里曰丫髻山西一峰東與雙髻山連秀聳若雙髻又名丫頭山

丫僊山據建康志一名蛤嶺山據句容縣志在縣治北八十

里北為句容境馬一龍登髻山絕頂記署起於青螺望東南諸山盡如在大洋中湧出青螺

溧陽縣志

卷一

輿地志山

數點近山村落紅白花見綠樹杪漸遠隱洮水萬頃

日光下閃閃動鱗甲遙擬金陵當在赤山之右句曲橫

巨後屏測之其峯若差高樵人謂可見鍾山宮闕大雨過

輒放光如白虹屬天予未之能辨也又謂南峯巨石雨洗

刷明淨雨乍霽日色映射他處尚有雲障故見此石獨

審將疑巨寶掘也豈真石以爲茲山之災氣魏麟徵前人

擊宛如神女列雙鬢松篁不礙遙空色苔蘚長留怪石一

斑欲向高峰最高頂

更添茅屋白雲間

又東北十里曰青龍山山半有青龍洞故一名洞山洞

僅可容人其中平廣奇石萬狀稍深有門曰隔凡諸險

而隘陰風迅急遊子憚不敢進俗傳與金壇句容諸洞

相通洞口一大石窪處四五狀如足跡亦呼為仙人洞

也其前立石如林流泉滴瀝有峴曰牧門案真誥大

茅山西南四里俗呼方山有方臺洞宏景注云

此山西南六七里有洞外見有方臺洞宏景注云

伏其中因呼為青龍洞云馬龍入見大青蛇偃

玉册山慕神仙冲舉之事屏跡絕塵嘉靖壬戌孟冬九

日招駱二姪平震良同呂秀峯石門人潘子漸探奇亭  
 勝自山房盤旋四姪平震良同呂秀峯石門人潘子漸探奇亭  
 天下上白石菴怪狀殊形龍珠壁極其元深處務奇巧石開  
 分削荆扉採華丹碣雖入幽鼓景象愈斧憚能辨而大還  
 鴻鈞固天趣華者踳礎下若墜峻坳愈莫施而徑寶冶  
 傍通迴虛中關懸厓投若墜峻坳愈莫施而徑寶冶  
 者戶掩者級磴者蹲礎而砥若偃息者欄可倚其梁跨  
 不火而丹若黍者碁可壘而砥若偃息者欄可倚其梁跨  
 彝瓊或絢劃者碁可壘而砥若偃息者欄可倚其梁跨  
 龍驥烟綃霧縠而併下雲扶鸞翔鳳翥星斗龕黃流  
 石激水應聲燎薪而併下雲扶鸞翔鳳翥星斗龕黃流  
 削立下鑿奇石丈窪九淵津潤耳滅玉又有千丈高兩測壁投  
 中令工必鑿石龍文刻堙沒想蟠石以名宛轉皆龍形矣此得  
 所存獨會鱗而巨蛇居其中因作花之當是附會其說  
 名所由誌謂山有巨蛇居其中因作花之當是附會其說  
 湯顯祖洞山巨蛇居其中因作花之當是附會其說  
 蓬萊山下儂人掌搖漾幽小洞偏明月半飛石鶴舞  
 閒雲一片誰是龍主烟霞長日伴神仙碎狄玉飛石題泉  
 此地不知誰是龍主烟霞長日伴神仙碎狄玉飛石題泉

溧陽縣志

卷一

輿地志山

岡巒不盡商飈開館遠曉雲相送逐馬來沙苑已看飛鴈落  
 鶴林重見杜鵑開館遠曉雲相送逐馬來沙苑已看飛鴈落  
 陶令高情猶不減深秋稜石負齒相撐扶老樹交龍根  
 株耕得徑破其樵蘇躡履攀緣洗躡躡然引我入闔蛇  
 趨何年霹靂破其樵蘇躡履攀緣洗躡躡然引我入闔蛇  
 閭朝走鹿麋夕躡其郭雷斧空存洗躡躡然引我入闔蛇  
 軀突似虎項憑高語坳如魚腦失魄拘再臨坎窞待喪  
 屠怪絕竦峙各通睢壺頭兵上濤聲走江湖屏寒照火自  
 圖岸稀可撲仍急通壺頭兵上濤聲走江湖屏寒照火自  
 雜依稀可撲仍急通壺頭兵上濤聲走江湖屏寒照火自  
 竽枅可鑿奪般輸下置牀日與竈紆半隙斜戟後天竺  
 樞絲斷不鏤奪般輸下置牀日與竈紆半隙斜戟後天竺  
 虞倏忽不豁達九衢百客對酌醺松炬欲冷意速認憂  
 途恍惚可辨復模糊出門飄飄冥氣醺松炬欲冷意速認憂  
 殊遠浸浥疑覆孟兆光滉漚足冥氣醺松炬欲冷意速認憂  
 無奇數衡華秀荆覆孟兆光滉漚足冥氣醺松炬欲冷意速認憂  
 蚪便欲移去計空愚坐饑拾此山埋瓊珠驅車呼僕過幾貫  
 榆行曦西墜啼亂烏出斤斧造物遺搏弄何當鞭乖龍崖  
 扉確磣爭逐擁寥出斤斧造物遺搏弄何當鞭乖龍崖  
 陽遠入華在縣治北八十里

又東南十五里曰黃金山建康志云雨後土色如金在縣治北七十

里旁有黃鳥山又其南曰玉華山在縣治北六十里一馬

龍玉華山小洞天記洞天在玉華山之東偏吾用神

僂智力借鈞陶以奪天工者也山之深數尺廣或

峙篔簹覆兩翼塞其外通北者取兼道可行而已兩門

徑丈隘處稍斂綽則更廉亦六七尺儘容昂首直躬道

出入有所妨不得展發亦奧突起中高過丈餘又

遙杖履也縱之有衡者擬以巒幪其頂塗石助虛明

半頂開日月穿牖下折斷續紆幽窅行者良趾尋道而

之光傍有別窟支頤息喘不甯定既出乃見天宇似

善入鮮不點額凡隔非復誼囂之境矣地甚不廣倚洞似

另軒楹諸物充食飲居自成一家村軒前鑿井陶

為軒楹諸物充食飲居自成一家村軒前鑿井陶

池種青蒲畜赤鯽名卉佳果雜植池上曲檻石鼓并陶

埴之類處置檻內可坐可凭酒醉而倦推研拋書投琴

散局席地袒草展足一鼻殊快意木解語之花上歇

太湖石奇峰捲雲巖滴雨後凋之息韶光去以消歇

下芴晝開夜合聞鶯啼燕語之聲歎息韶光去以消歇

見月落參橫之景夢寐盈虛中盡隙曼外極并包金玉幹

而思媿羅浮者乎洞天盈虛中盡隙曼外極并包金玉幹

虬枝蔭如蒼煙翠黛四時常不改也大夏盛暑居洞中

須衣重帛若隆冬嚴寒則又不待燃緼自盎然陽和暢

於四體老人欲避世態涼而不知處此終莫逃流膏

冽膚之患馬一龍九日與南村諸老登玉華山酒

醉此時黃菊會野蔬飯野人家遠來何處白衣酒

憐頭上烏紗帽不歲到雪霜見松柏春如桃李自繁華可

美如城郭先呼水邊孤亭在畫圖未翦春羅花自發欲

又東南十八里河東有獨秀山俗名土山在縣治北三

十五里黃庭集可當赤壁遊嘯雲依片石觀水上層樓

更起扁舟興相期赴大涪即武陵溪上客何須更覓

任高低山徑紆迴路轉迷是武陵溪上客何須更覓

武陵溪拳吳桂前題春花滿山徑與客尋幽乘

石磴一孤絕秀無雙翠壓明湖氣欲降山中不覺春

日永歸時恰

趁斜陽影

以上起正西至正北諸山據採訪所及略為敘次

溧陽縣志

卷一

輿地志山

首尾者也

外有以上諸方錯出之山其在縣治正西者計距八十里曰伏脊嶺

距七十里曰白茅山曰西巖山有石如舫字曰船石

在縣治西北者計距七十里曰翼山

距四十五里曰花山曰橫山

距四十餘里曰子母山陳周記名谷以愚稱泉以慧著

結之氣有以徵兆之吾邑南有秦山俗稱秦王經繇處也西峙伍牙行人廟在焉遞北而石屋闔閭使毆冶子

鑄劍所宛延數里子母山近之以名子母者圖籍勿彰口碑未及山麓韋村有蔣以蘭偕婦葛子引泉種竹

耕鑿其中乙酉之變家曉江及婦彭奉翁都諫避亂其地與蔣葛夫婦未嘗通聲問接殷勤也曉江侍都諫匿

山崖徐抵句曲彭同媪出之抱而大哭曰此皆親戚決賊猝至彭投水中葛媪出之抱而大哭曰此皆親戚決

溧陽縣志

卷一

輿地志山

十九

不相侮此吾兒何事如此賊媪罵刀挾媪頸欲攜彭入舟  
復大哭然信為里人方解去嗟乎彭之激烈嫺於詩禮  
自矢宜然以素昧平生之媪一見痛切智脫於險  
而有古俠烈風意與授漿子女均胥瀨水之力所鍾毓  
噴曰其子也潔其母也賢節義如此山光藹然無媿子  
母之名焉附山居者有僉事謝君令子石攻子母眷屬  
數十口積薪自焚樓上又得其節義所正者噫嘻吾溧  
物又與南爭賢也尤所異者今古多奇女鍾北之秀異  
自雙峰聳翠地靈使然則子母雖培塿且與摩笄並  
峙天壤矣余聞之喜故報之以文

以上起正西至西北諸山首尾未經採訪敘次者

也舊縣志縣北又有長岡及斗門繆墓梅嶺廟塔浮石孟母白茅諸岡並無所在區村及其距里

起東北盡東北為山之又一宗其山首曰涪山據唐史

侯碑建康志一名湖山一名大岬山唐書地理志溧陽引碑字作坏

卽大 一名大巫山 一名浮山 據建 孤立洮湖中在縣治

東北四十五里與金壇宜興分界 案建 康志 洮湖中周處大

坏山又引陶隱居尋山之義也又謂孤嶺以獨絕岸垂天而

似浮蓋取以證浮山之義也 玉篇 坏 普切 山 再成 是 坏 爾 雅

浮字書未見此則非是 玉篇 坏 普切 山 再成 是 坏 爾 雅

山一成坏是坏字同也 玉篇 坏 普切 山 再成 是 坏 爾 雅

亦作岷而亦或作岷 岷 字 同 也 玉 篇 岷 普 切 山 再 成 是 岷 爾 雅

切而此山一卷圓起絕無別峯正所謂一古韻之坏矣 悲

馬一龍九日泛湖登涪山與此邑侯所別 南來盈把青嶂

北山啟元堂牽舟蕩湖水對此明侯光採 菊未盈把青嶂

露沾衣裳莫翦徑上草王孫恐悲 西風入原 忽覺

絳葛涼元禽已抱羽鳴鴻在高蒼顧 茲雙景遷世何

茫茫知幾水與月人情各相忘 今夕是 何夕飛雲共 倘

我懷君不知願君持我觴濁酒匪 自足聊以充渴腸 南窗

生貴知己聚散良不常知君明 日裏又自聊以充渴腸 南窗

樽大浮山湖心湧出大浮峯 一朶青蓮落鏡中 老樹

夾雲秋喉鶴崖墮石夜驚龍 波濤遠接天邊盡 日月樹

潛行地底空酒船柔櫓過山 遲眺隔水寒深聽夕陽 知鐘閣外

銳登浮山酒船柔櫓過山 遲眺隔水寒深聽夕陽 知鐘閣外

溧陽縣志

卷一

輿地志 山

鐘聲將及暮竹邊僧話不多時 故人題壁塵猶在 破屋

棲禪世可悲到此莫教興感 慨湖中風景猶在 破屋

麟徵大坏山寂鳥度孤鐘 暮乞休一尊盡醉此山頭 湖

平兩岸秋光寂鳥度孤鐘 暮乞休一尊盡醉此山頭 湖

枝衰柳贈行舟伯陽自有長 生藥不為尋芝更欲留 便

馬宥泛舟涪山漁歌罷梵音 連翻訝峯頭得路 便

入戶不知山在水開籬遙望 浪兼天征鴻點點雲中 渡

小艇飄鏡裏旋西指湖菴如 彼岸乘風狎鷺憶髻年 渡

分楊恒大浮山景白湖上新 秋宿雨過青天倒影蘸秋 波

昨宵海上蓬萊愁殺羣僊 望不堆 芮天倒影蘸秋 波

飛入洮湖飛不去青蓮擁出 浪花堆 芮天倒影蘸秋 波

其南十里有小岷山一名小巫山 據建 志 一名小浮山 據

亦在洮湖中在縣治東北三十五里山下有石堂堂

內虎跡水涵卽見 據輿地志 案志 稱山在延陵永世

故得與永 又東一里有張汶山在縣治東北三十五里

大岷之東南五里曰大蕝山 舊縣志 云山頂平曠竹樹

在縣治東北四十五里

又東南三里曰小翦山山形如釜而罕蔭木在縣治東北四十里

又東三里曰落霞山一名霞山聖塔院在其下故又名聖塔山在縣治東北四十里

又西南七里曰雷公山一名雷山在縣治東北三十七里建康志引舊志云俗傳有雷公鑄劍於此因以為名下有法興寺寺有石洞可

丈許清泉不竭

又西南二里曰干東山在縣治東北三十里

又東二里曰漸安山在縣治東北三十二里案此山舊傷陽宅陰基節經史馬狄王蔣金臧路鍾楊談管畢戴邱黃徐周張趙潘陳陶曹錢唐各族稟官示禁凡漸安

溧陽縣志

卷一

輿地志 山

山及附近之有關地脉者永遠不許開鑿一係康熙三十五年奉總督范批批准禁碑在山麓天法興寺又乾隆十三年奉本府鍾批批准禁碑在山麓法興寺又乾隆五十七年奉本縣張批准禁碑在縣北四十五里徧問舊縣志無漸安山有東安山之譌耶然距里殊不合存之士人無知此者豈即漸安之譌耶然距里殊不合存之考以俟

又南一里曰山山或字據廣韻一名山母山案建康志引

周處風土記云昔有上有優曇芥舊縣志云唐優曇芥

間北望洮湖空明如鏡在縣治東北二十五里東為宜

有泉甘冽不減惠山

興界汪藻辟地山亭步今日幸無雨天空出遙

桑陰平疇漲清波隴麥如人深溝吠戲鳧驚新蒲應浮

沈我本漁樵侶對此驚初心風物豈不好悲來難自任

戰塵暗中原四海如禽黃屋狩萬里宮隔辰參龍

移蝮蠃窺月晦蟾蜍侵宇宙有傾覆茲遊岷嶽消憂

賴濁醪太息誰能斟蒼穹正瞻山曉雲歌峰大坤濕氣

青芙蓉初疑博山噴出紫煙縷又疑厓精海底推起龍  
王宮東西模糊總一色上變幻幾重非芒碭山  
中隱劉季又非陽臺神女遙相通養文豹隱丹壑失  
巢老鶴迷青松忽見千株萬株老枯檜化千丈萬丈  
蒼龍斷崖滴翠時灑灑落花細雨濛濛金烏欲上  
海水赤神光盪射生青紅狂飈捲地忽吹濛濛然  
金屏風奇怪峰高翠倚天將浩興收綠心胸  
遠山奇姥峰高翠倚天將浩興收綠心胸  
柳蒹葭外何處泊君書畫船  
枕清溪萬水回環盡微梅破香堂  
認春歸引狄沖優曇髮早春山氣  
半日勞風引狄沖優曇髮早春山氣  
雲連山飲興相牽水滿洮儘可忘歸  
在林臯馬繩元優曇髮早春山氣  
幽曲視下界松但見翻濤綠新  
束徑盡遂成界岑寂樓閣登山月  
浮光如虹遠勢壓林末歷歷湖上  
雙涪翠可掇咽風單校寒延欲擁山

以上東北諸山據採訪所及略為敘次首尾者也

案東北諸山較少脈絡分明故無錯出難敘另行散列之項

溧陽縣志

卷一

輿地志 山

附錄諸墩

案岡嶺及芥已敘入各山惟舊縣志所載諸墩除烽墩播羅墩今附見荆山外餘或仍舊例附錄諸山之類故云

金雞墩在縣治東五里

案舊縣志作金雞山而云山南

縣東十里高二丈周迴五里今案治東五里有丈許  
小阜俗呼金雞墩絕非也諸志殆誤以南里十之  
金雞山加諸治東五里之金雞墩建康志載里及  
其高廣之數正與治南金雞山合特譌作縣東為異耳

崇元墩在縣治南三里廟基墩亦在縣治南泰安墩中

虛如城在縣西強步金墩亦在縣西買帽墩寒山墩俱

在縣北永定區鼓墩馬墓墩亦俱在縣北

水

西南之水曰胥溪

案古今地理家郡縣志多言比溪春  
高溧陽界中高本不通流子胥鑿之于是蕪湖西南  
之中江流逕溧陽以東注前漢書地理志蕪湖西南

溧陽縣志

卷一

輿地志水

家傳	據耳	蠡貢	記三	三三	南江	守是	中與	行不	而安	縣北	水北	璞出	海大	大江	東江	名記	云孔	其合	無有	亦經	流勢	宜東	大嘉	南江
所獨	然惟	分僞	漢江	江也	上西	節也	與至	不吳	安不	北為	下江	注文	經江	江與	江北	為江	有傳	實漢	明南	亦文	流亦	宜興	大江	南之
撰宗	議者	三孔	志二	江也	西上	正又	揚州	舉甯	吳甯	北為	江石	文此	三九	江中	北南	南出	云自	又為	南在	亦無	勢亦	興一	靖不	江之
錐鄭	者記	全傳	注在	里入	上七	義有	北者	名國	甯國	北至	城注	此一	江者	江為	江徐	岷山	有北	與北	無本	經文	必非	東入	江靖	南道
指注	謂正	非謂	之吳	經入	七上	云不	者入	目故	故鄣	江石	城注	所說	大為	江中	州為	其源	中彭	地會	確證	文無	子胥	復于	南道	東無
亦以	三義	事彭	三一	海名	十白	言三	越語	者鄣	鄣等	注城	以縣	出也	江中	江為	名為	若九	南江	志全	漢惟	字證	非子	涓高	無路	東至
堅江	水三	實蠡	江在	引名	里至	江南	語蠡	周等	禮境	以縣	分城	其說	江中	江為	為北	麇口	知分	別全	志導	職所	胥胥	滴清	可陽	至陽
持漢	偈小	國三	越也	郭曰	湖至	在而	昭分	職以	東注	城為	二其	山北	江至	江初	道東	一三	矣為	矣為	漢志	方開	所開	東東	境東	可陽
不彭	不之	語江	經夫	璞下	曰湖	蘇而	云道	方東	賈注	為二	其舉	北江	江至	江學	江東	說也	震澤	自南	始入	導三	也然	境東	可陽	至陽
易蠡	足說	參震	注初	三亦	江曰	州其	云道	賈注	疏具	者一	東北	所出	江也	江引	會以	也震	唐澤	是江	於言	江然	則一	境東	可陽	至陽
議三	當以	入澤	之學	江曰	江亦	東說	云道	疏具	區為	南北	而並	東注	江也	江漢	彭濫	徐遂	澤遂	以是	毗東	矣壩	下矣	境東	可陽	至陽
者江	揚文	浦周	南記	者婁	江亦	南復	江云	江區	至云	江東	而並	東注	江也	江書	澤鰲	堅為	遂為	南江	北為	夫以	壩夫	境東	可陽	至陽
又以	國大	則疏	二引	江此	江亦	古江	江云	尋云	是陽	東其	而並	東注	江也	郡此	經至	初北	北為	居其	釋禹	東之	以東	境東	可陽	至陽
南朝	川澤	又謂	江山	松以	江亦	江古	江云	是陽	是陽	東其	而並	東注	江也	郡此	楚初	學江	北為	中其	三貢	夫以	壩夫	境東	可陽	至陽
江胡	是推	錢尋	原海	江浙	江亦	江古	江云	是陽	是陽	東其	而並	東注	江也	郡此	楚初	學江	北為	中其	三貢	夫以	壩夫	境東	可陽	至陽
之渭	以之	唐陽	非經	江浙	江亦	江古	江云	是陽	是陽	東其	而並	東注	江也	郡此	楚初	學江	北為	中其	三貢	夫以	壩夫	境東	可陽	至陽
字禹	東似	之合	以注	江此	江亦	江古	江云	是陽	是陽	東其	而並	東注	江也	郡此	楚初	學江	北為	中其	三貢	夫以	壩夫	境東	可陽	至陽
不貢	坡有	別一	釋荆	此水	江亦	江古	江云	是陽	是陽	東其	而並	東注	江也	郡此	楚初	學江	北為	中其	三貢	夫以	壩夫	境東	可陽	至陽
見專	書理	派彭	禹州	以為	江亦	江古	江云	是陽	是陽	東其	而並	東注	江也	郡此	楚初	學江	北為	中其	三貢	夫以	壩夫	境東	可陽	至陽

溧陽縣志

卷一

輿地志 水

二十四

於經故李紱能江考又取九江欽定南江并北中疏職為揚	說紛訖莫能江伏讀九江欽定南江并北中疏職為揚	州之禹貢北岷江在北則江專在松江之說無	以易若禹貢北岷江在北則江專在松江之說無	流非職中二指江然與揚州別方南江三既定必	禹貢北岷江在北則江專在松江之說無	貢之江亦可望也水經注引郭璞語亦同歸	光顧武全祖望諸人並錄云然顧氏語亦同歸	北江吳淞江相迤北會于滙節中唐石白等	中江今之吳淞江相迤北會于滙節中唐石白等	湖揚子固與導以江節北見江相通而錢江吳淞	與導于滙節中江兩入于海一以明導江節一東	北會于滙節中江兩入于海一以明導江節一東	之所謂而禹時因開此水運必通江太湖建康五	證謂闔閭伐楚因開此水運必通江太湖建康五	說必傳之以漢志故丹中吳淞與導江節中	也或曰漢志故丹中吳淞與導江節中	受石城下云分江首受江縣是也浙別有源者曰	縣下昭云分江首受江縣是也浙別有源者曰	中江出西南明以溧水所出非大湖也而分矣	中江出西南明以溧水所出非大湖也而分矣	本據後世地理是據禹跡又云東至陽羨耶一語	若謂漢志不記是據禹跡又云東至陽羨耶一語	所注為證也江至石城東注實則宣東餘姚入海	經注為證也江至石城東注實則宣東餘姚入海	山未嘗注或入海二書以之叙禹功復其說阻	故附正之或入海二書以之叙禹功復其說阻	疏引之事於吳則通渠為江漢汝東流禹跡矣	子不云乎禹治天下南江漢汝東流禹跡矣	氏春秋言禹通三江淮亦云舜乃使禹疏	江五湖是則吳越之間江湖交通亦禹疏	不知懷襄之世先治其大綱正不必起高渚下	嘉靖增築下壩以盡謂四載所經也起高渚下	故不云水出蕪湖後東流十里過鄧步俗譌鄧	正字通埠水出蕪湖後東流十里過鄧步俗譌鄧	述異記云埠水出蕪湖後東流十里過鄧步俗譌鄧	耳又歷敘上虞石駝步吳船至泊步龜步中	步而韓愈孔毅墓志云蕃船至泊步龜步中	志宋端拱元年以郎步鎮為建平縣趙彥衛	抄記上皇坐船泊於河步是唐宋以前俱作步	康金陵志之亦入溧陽界又東北十里至韓城港又東北	作步今從之
-------------------------	-----------------------	--------------------	---------------------	---------------------	------------------	-------------------	--------------------	-------------------	---------------------	---------------------	---------------------	---------------------	---------------------	---------------------	-------------------	-----------------	---------------------	--------------------	--------------------	--------------------	---------------------	---------------------	---------------------	---------------------	--------------------	--------------------	--------------------	-------------------	------------------	------------------	--------------------	--------------------	--------------------	---------------------	----------------------	-------------------	-------------------	-------------------	--------------------	------------------------	-------

十五里出昇平蕩東西長五里其南之半有水焉一出梅渚東北流十五里一出社渚北流七里二水合北流三里來注之蕩東曰河口東北出三塔蕩東西長二十里蕩西北口有水自湯家橋南流十里來注之蕩東曰塹口東十里爲娑陀廟廟西北有水自強步東南流五里來注之廟南有水一出周城鎮南流十五里一出盤

白山

亦名觀山

北流西折五六里二水合流而西五六里又

北折六七里來注之廟東三里出南渡蕩東西長七里蕩西北有老鸛河自上沛步東流十五里南折十里來注之蕩東北口分出扁擔河南北長十里計自口北流三里東分出嘉定橋

俗名中橋

自口北流七里入上興步大

### 溧陽縣志

#### 卷一

輿地志 水

二十五

河東出施家橋二橋之水各東流五六里入於前馬蕩

案即潁陽江

自南渡東口東流七里北分出牖口曲折北流

十五里亦入前馬蕩自牖口東流二十三里北分出思賢港東北流五里入中河泓口自港口東流十里入南雙橋東流里許繞城四面爲濠別穿城出東南躍龍關合流于城南東行五里至戴步港港之水自步北流二十五里來注之自港口東流五里北分出長木橋東北入於十字河自橋口東流三里出渡濟橋入荆溪界

西北之水曰瀨水起上興步首受曹山分界山諸水

案瀨

水有二其一發源曹山一即胥溪東下之水也然曹山之瀨其下流亦與胥溪東下之水互相出入固始分而終合矣胥溪之源本名溧漢志溧陽縣下應劭云溧水所出南湖也是也而溧水東行至今高淳溧陽界中高

處其流遂淺故得瀨名矣溧或音轉為菱國策范鮑本伍子胥囊載而出昭關夜行之誤也史記雒水作菱夫菱字同菱劉氏云即水之形誤也史記雒水音亦同索隱引劉氏云即水之形誤也史記雒水或塞厲門是也而瀨水仍可稱溧水元和郡縣志云溧水在溧陽縣南六里唐之溧陽治今舊縣南六里之水溧水即笠澤叢書縣南五里之溧陽治今舊縣南六里之水矣以上諸書溧瀨陽瀨通借而古今傳述境內之水多以瀨名如瀨陽江瀨滄投金瀨之類良非一水所獨擅然境內之羣山萬壑雨水所成不獨曹姥而已六朝事跡編乾道建康志乃指曹山之水為溧源溧舊志亦謂瀨陽江源出曹姥合於潁陽江東流為瀨溪因說並非然曹山高地流淺不妨亦以瀨名若

十里為楊溪牐

廣韻三十一洽牐字正當從此而近人每作閘

案二十八盍閘古盍切閉門也三十二又東南十里至

東塘橋其一南流里許與上沛步西來之水合流出老

溧陽縣志

卷一

輿地志 水

鶴橋其一東南流十里出施家橋又東流五里入於前

馬蕩

又西北之水曰北山水起竹簣橋首受瓦屋諸山水東

南流二十五里出閔家橋又南流五里入於前馬蕩自

橋東南流八里出余家橋又東南流八里至瀨溪又東

南流十五里出北雙橋與南雙橋水合

北方之水曰甃橋河起界牌橋首受金壇諸水南流十

里過甃橋西北有水自後周東流十二里出八字橋又

東流十五里出馬墅港來注之自港南流里許東分出

土山港流十里入長蕩湖自港南流十三里過董家舍

橋其西有前馬瀨溪古瀆諸水來注之其東出長橋分

廟橋埧橋諸道東北流五六里入長蕩湖自董家舍南  
流四里爲沙漲滄南北長三里又南流五里東北分入  
昆侖港口流二里至昆侖橋又東北流五里至上十字  
河其一北流十里東折入長蕩湖其一東南流三里會  
歌岐馬墊河自上十字河東流三里至下十字其南有  
歌岐港水北流十五里來注之又北流八里入長蕩湖  
自下十字東流十二里至湖墅有舍頭山前之水自西  
北來注之合而東流三里出楊巷橋入宜興界自昆崙  
港口南流五里出北雙橋與南雙橋水合  
南方之水曰南溪起戴步首受南山諸水北流七里至  
新橋其西南有駱駝橋會諸山之水東北流注之又北

溧陽縣志

卷一

輿地志 水

二十七

流五里至分水墩其一東流百家蕩入荆溪其一北流  
十五里至黃墟蕩南北長三里蕩北口有水自鄭家橋  
東流五里逕古縣北折轉東共十五里來注之又北流  
二里出戴步港入大河東出渡濟橋

諸湖之存者曰長塘湖

據晉書王恭傳

一名長蕩

據水經沔水注

一名

洮湖

據張勃吳錄引或說

在縣東北二十里

建康志作五十三里似誤從唐治起數

周一百五十里

祥符圖經作五百二十里

與宜興金壇分有之周禮

職方五湖之一也

注五湖之說多端吳越春秋夫差內傳云貢湖游湖胥湖正義謂五湖連太湖

也史記太史公曰上姑蘇望五湖正義謂五湖連太湖以游莫貢陵胥當之並不數長蕩楊修五湖賦韋昭國語解張勃吳錄孔穎達禹貢疏俱以五湖即太湖案職方揚州其澤數曰具區其浸五湖則五湖之非太湖明甚諸儒或以爲一者殆誤讀職方鄭注區五湖俱在吳南之文耳吳南之說雖誤然鄭意謂具區五湖俱在吳

湖非以五湖釋具區也水經注以長蕩一湖射湖貴湖

湖南并太湖為五吳錄或說則以射貴為一湖并太湖上

區洮湖洮湖為五未庭孰是至史記索隱云五湖者具

青草遠在荆西受境內諸川浸北受金壇大溪建康志

大溪在南流三十里至大坯山案東出宜興中有二山曰

大浮小浮建康志云春夏水深五尺餘秋冬差淺案今

淺深未詳然魚葦微利猶為小民所仰給焉張籍長蕩

湖一斛水中半斛魚大魚如柳葉小魚如針鋒濁水誰

能辨真龍嚴瑄前題遠水長天入望賒有人當檻

岸烏紗八風不動飛孤鷺萬頃無垠浴落霞漁父垂綸

秋練淨商人倚棹夕陽斜直疑身在冰壺裏孺子歌殘

曾聞范蠡符觀雁向誰過洮湖信沙鷗見我自相猜兩峯

青挿洪濤裏層殿紅依峭石隈滿眼風光留不得緋人

王事急相催層殿紅依峭石隈滿眼風光留不得緋人

風煙光驚濤湧斜鳥去遠歸山斷浦呼如在畫圖向未了扁舟

溧陽縣志 輿地志水 二十八

早巳人平蕪朱多烜泊長蕩蕪葦一望暮蒼蒼長

蕩湖頭煙水長怪道今朝楓葉盡夜來七十二橋霜

費荻洲前蕩空千頃歸雲晚都是坏山一抹煙

日三塔湖即三塔滄也亦名梁城湖在縣西南六十里

周四十里建康志作周上受昇平湖下注南渡蕩舊有

三塔寺寒光亭諸勝久廢張孝祥詩詞岳珂詩別見亭

波滄中水淺輿從下肩舟詩云水面平如砥湖心淺不

勞生正應爾多愧白鷗莎河不見成橋鵲空傳渡磧駝

錦亭以六月旦謁富池而行是夜始望見廬山今歲發雪

感歎二首在湖滄中念歲夕照忽驚道途之勞聞鐘傷

心楚水又經歲回首吳雲知幾重萬里同盟祗鷗鷺三

年今富池頭浩蕩且對湖光裏八九重開夢澤鷗鷺去

揚兩地一萍浮河斜左界流清夜雲密西郊望有秋通

朝塞又放時何必問明每水漲瀾漫舟行失路乾隆初湯振

原倡建十石柱以為標識嘉慶六年監生湯岳復自建  
十石柱舟行之

日昇平湖亦名昇平蕩在縣西南七十里首受東壩之  
水南通梅社二渚

諸湖之廢者曰朱湖在縣東南八里郭璞江賦具區洮

注引水經注曰朱湖在溧陽建康志載或說朱湖久廢

即丹陽湖之異名然則郭賦朱丹復出矣殆非也

為田或曰曹蕩圩是也竟成沃壤據舊志或又作曹公圩

曰下湖在縣南十里周五里流入白雲涇案建康志舊

入太湖此遠及其委耳

曰千里湖一名千里渰或曰即黃墟蕩也在縣南十五

溧陽縣志

卷一

輿地志 水

里陸機言千里蓴羹指此詳見物產

曰黃山湖周五里建康志作周五里非在縣西南三十七里盤

白山下今廢為田

曰牛牯湖在縣西南五十里從山鄉久廢為田

諸渰之存者曰南渡渰一名瀨陽江在縣西四十里周

二十里上承三塔下入南雙橋其北有投金之瀨子胥

瀨莫能確指據李白碑貞女黃山里人則擊絮之水理

距黃山不遠當在南渡之南矣但據吳越春秋闔閭內

傳子胥入郢還師過溧陽瀨水之上欲報女百金而不

知其處乃投金水中而去則是子胥投金之所原非

女擊絮之所也案陸龜蒙笠澤叢書云縣南五里有投

金瀨此唐治即今舊縣也董衍貞女碑序云碑昔真縣

之西北四十里子胥投金之涘此南宋治即今縣治也

其方向距里推之是瀨在舊縣之南渡之北今其地

有所謂木杓兜者是溧女墓在焉必金瀨左右湯中

又金瀨弔貞女歌溧山兮蒼蒼瀨水兮湯湯中有楊邦

溧陽縣志

卷一

輿地志水

粉却追兵前不負英雄信死後難磨貞義名千載清  
 風人已遠一生江流水月空明當時失載春秋傳幸有殘  
 碑勒舊銘春多陳周金濼浣江月夜域清疆似轉人每逢  
 鶯柳羨陽春多情惟濼浣江月夜域清疆似轉人每逢  
 紳投金濼古跡中江大禹開溧岸垂楊葉綦回伍史  
 報德投金濼古跡中江大禹開溧岸垂楊葉綦回伍史  
 芳草白沙堆太平老我無餘事擬向磯頭築釣臺連天  
 端書金濼弔古太平老我無餘事擬向磯頭築釣臺連天  
 過景清心獨會一向水竹森蔽虧蔣紛叢芮野僻人少  
 投金濼翻思溧陽一尉

曰瀨陽澔一名瀨溪 俗諺浪洋又瀨村然以水論之則諸  
 澔亦帶皆古瀨溪也 在縣西北二十里上承前馬之水東

注沙漲澔  
 曰謝達澔一名前馬蕩又有永陽江九陽江穎陽江諸  
 名在縣西北三十六里上承舊縣南渡諸水下注北條

大河

女飲冰茹霜於焉擊漂維瀨之陽遭壯士兮苦絕糧入  
 窮不測下遊九土從英皇此幽光兮貫白日凜正氣兮摩  
 穹蒼嗚呼世無李太白萬古誰頡頏李綱子胥金  
 瀨有以感敦楚王聽忠誅良卿招呼二子同就烹子胥  
 弓見使郢城義不戴天非惜生操瓢食食困江表曷嘗  
 日忘郢城義不戴天非惜生操瓢食食困江表曷嘗  
 捕尙爾急殺身滅口意豈輕壺漿何止服所稱却楚遂  
 以鞭荆平倒行逆施道遠復何憤聖所稱却楚遂  
 舊欲報德歎息玉食類漂萍解劍掛墓瀨延何有聊以寓  
 意通精誠哀窮進食類漂萍解劍掛墓瀨延何有聊以寓  
 矣不可見空有史筆垂英聲哉王端朝金瀨弔貞女  
 嗟被戰國秋風俗曰以滴卓哉王端朝金瀨弔貞女  
 貞奉慈母克盡烏私業貧不辭苦擊漂臨清漪適爾  
 遇丈夫失路良可悲惻然腹此心地知丈夫報無地  
 所愿越禮非所宜滅一口恩仗節還來茲百金報無地  
 志雪恥鞭平屍念此一日恩仗節還來茲百金報無地  
 立馬空嗟咨俛仰陳跡屈萬古期誰招地仙况乃  
 餘道傍碑雄辭吐激烈粲若星貝垂吾生後謫仙况乃  
 驚鈍資王貞瀨上西子取笑將奚為留題避義行庶幾  
 俗移王貞瀨上西子取笑將奚為留題避義行庶幾

曰沙漲滄在縣北十里北條大河所經西受古瀆前馬

諸水合而南流

楊謙同方佑之遊沙漲溪上輕風吹釣絲綠陰委地勝花時間身合與漁樵

侶遯跡偏於耕鑿宜野鶴向人詩思逸鄰翁訝客酒杯遲陶然不覺成深醉鳥喚提壺更勸誰

諸滄之屬存或全廢者姑仍舊志備錄焉曰古縣滄在

縣南十五里晉永世縣故址與千里滄相連

曰魯里滄在縣南三十六里

曰葛涪滄在縣西十五里與新昌滄相連周四十五里

久成圩田屬餘一派可通舟楫

曰强步滄在縣西五十里

曰塘下滄在縣北三里又五里蔣塔滄又五里火义滄

又三里徐角滄又三十里諸蕩滄

溧陽縣志

卷一

輿地志 水

三十一

溪灣澗潭港瀆涇洋溝水之屬足備參考者茲亦具錄

焉曰薄荷溪在縣東十八里上通洮湖下入宜興之泚

泚

舊縣志云一云九里湖

曰白雲溪一名白雲涇在縣東南十里溪流清澈雲色

輝映東入於荆溪又城南山川壇之東有溪同名

曰谷溪在縣南二十里源出青山

舊縣志作南十里源出廣德非今據建康

志改 東北入於瀨水

曰高友溪今名高要在縣南二十餘里源出丁山碧嶺

北連黃墟蕩入於白雲涇

舊縣志誤作南六十里源出廣德今據瀨水備聞改建康

志亦云南二十里而云源出廣德則誤也

曰舉善溪即南溪在縣南三十里源出龍潭諸山

建康志誤

作源出廣德今從舊縣志及瀨水備聞 東北入高友溪

曰金陵溪在縣南六十里源出廣德馬蹄泉案此泉蓋在廣德諸

山之北 北入新橋河分注荆溪

曰藍溪在縣西南六十里溪上有墩曰挂魚墩相傳陵

陽子明釣魚處舊志云子明得道涇縣陵陽山溧陽舊隸宣州或嘗垂釣於此見疑辨

曰殮溪一名大溪在縣西六十里源出荆山入三塔蕩

曰隔溪在縣南五十里源出銅官嶺之麓

曰黃連灣在縣西北六十里上興步

曰曹塘澗在縣南三十五里又二十五里曰橫澗

曰上湖澗在縣西南六十里源出松嶺東北入荆溪舊縣

志云源出廣德東北流合于白雲溪非今據瀨水備聞改又建康志亦云源在廣德軍東北流入縣界合於白

### 溧陽縣志

#### 卷一

輿地志 水

三十二

雲溪不若備聞為確

曰大澗在縣西南四十五里又十五里曰流水澗曰洪澗

曰盤龍澗在縣北四十五里

曰白玉澗在縣北七十里黃金山西澗石瑩潔

曰龍潭在縣東北十八里黃家橋東大旱泉涌不絕又

一潭在西南龍潭山

曰戴步港在縣東南五里

曰韓城港在縣西南六十五里

曰鹽港在縣西七里上通南渡下入泓口

曰毛家港在縣西十三里又十七里曰李家港上通湖

瀆橋洩黃山諸湖之水舊志云此水可濬今則淤矣

曰淦西港在縣西二十二里與金花蕩新昌相連

曰東塘港在縣西五十里與真武塘相近

曰永通河港在縣西七十里上受方芝諸山之水南入

三塔蕩康熙四十四年官準開濬四十七年生員湯之

進等呈縣示禁勒碑不許築壩漁利

據碑摹

曰丫枝港在縣西七十里涇溪之水由此入溧陽

曰馬墅港在縣北三十五里西受後周諸水東注甃橋

大河

曰橫邏瀆在縣東七里南接白雲涇北通洮湖

曰古瀆在縣北二十三里與瀨溪通

曰呂瀆泗瀆周瀆俱在甃橋土山旁

溧陽縣志

卷一

輿地志 水

三十三

曰涇瀆在縣北四十五里金壇溧陽界上之水會而南  
流東分入洮湖建康志引鎮江志云晉宋舊有此瀆隋  
大業初縣令達奚明又加疏決舊縣志云歲久復淤每  
積雨則丫髻瓦屋諸山之水無所洩瀕湖之田被湮稍  
旱則又引灌無所明成宏間知縣蘄璋及符觀加濬水  
勢深濶民咸利之詳見橋梁

曰澡車涇在縣南十里黃墟蕩白雲涇之間歲久淤淺  
成化間知縣熊達疏決之民以爲利

曰豐登洋在縣東十五里麓上橋之左洋中有小渚相  
傳夏夜納涼獨無蚊蚋

曰百丈溝建康志云一名百步溝在縣南五里源出燕

山相傳此處田多高仰開溝灌溉東流合于白雲涇舊

縣志有壩見塘遏

風俗

案舊縣志風俗首條所引明一統志考其  
本書並指江甯府非謂溧陽也茲故不錄

宋景定建康志云溧陽縣介江淝之間其君子篤厚恭

謹恬靜自得藝文儒術藹然相尚其細民務本力農淳

朴質直類知畏法名儒勝士多因避地來寓溧上往往

樂其風土而定居焉宗丞王端朝曰是邑有李太白之

英風故其人多秀而文有伍子胥之故迹故其俗多義

而勇然在嘉定間淫祀頗盛知縣陸子適痛除之子適除妖

記天地之間有至正之氣則為陽剛為醜厚為正直  
為聰明有至邪之氣則為陰險為浮薄為妖妄為昏愚  
是正關是邪也戴禹鑄九鼎孔子作春秋繫周易蓋以翊

溧陽縣志

卷一

輿地志 風俗

冥冥之中者又天覆地載吾夫正邪子適庸疎不能  
趨近時好每念及人毀淫祠者有擊蛇妖者有過聖  
妾婦心誠慕之及為邑宰條制而無統類情惑而  
水者詳考淪肌髓習熟聞見牢不可破而託然自繁  
未害孔熾入肌髓習熟聞見牢不可破而託然自繁  
為害孔熾入肌髓習熟聞見牢不可破而託然自繁  
白雲魔教一滋也而據阡陌豪奪民業銜下糞乏困  
所訴理有司一問則羣噪釀賄白黑淆亂羣毆邑民  
於徭徭彼獨偃然自證反為所粒不深人固羣毆邑民  
或以赴訴則吏然自證反為所粒不深人固羣毆邑民  
民視之若禽獸異類然視法禁如無也自夫厲鬼妖祀  
之橫也而疾疫興民多折辟去藥餌拒絕姻好惟  
巫覡之為聽不且斃不齋潔有誠敬未究竟而其  
已死有之然且齋潔有誠敬未究竟而其  
加威譴是速逝者不可悔生者愈惑之福殊狀醜態  
死如歸焉意以延生者不可悔生者愈惑之福殊狀醜態  
愚惑眾土木之祠藻繪於躬鬼之部伍各為某疾而肖  
其證尸而祝者弗止厲而死者滋自夫五福殤鬼之  
暴也而民汨其良心易其性禮遜之質盡忘而乖爭  
之習成俗不吝於死傷而恥於退懦嘗閱訟而得其  
所蓋民有私憾而加克逞槩水之神而鬼降則刃躍于  
鴈手刃刺之血刃而加克逞槩水之神而鬼降則刃躍于

溧陽縣志

卷一

輿地志 風俗

三十五

焉嘉定十年記

元時溧陽俗喜賽會畧見仇遠金淵集

六仇遠三月二十

從來賽社說金淵鼓笛旗隘市塵地上鬼神行白晝  
夜中風雨洗青天妖氛旱魃驅無跡和氣歡聲兆有年  
車馬縱觀兒女事老夫閉戶讀韋編案至元間江東  
廉訪盧摯行部溧陽事見疏齋集時猶舉采風之政也

明宏治符觀縣志云民居其間君子尚樸素好儒術小

人力耕植少商旅婦女不出戶闕不事冶遊文藝盛於

潘乾之後節義襲於貞女之餘然角氣惑邪未能盡變

嘉靖之末涓風漸散轉更媮薄

馬一龍耆社記略嘉

皆年七八十以上各陳五十年前一弟供役粗蔬一肉酌  
大父致政家居客至木席團坐子弟歌舞沈湎主  
則共器俗呼陶同知者今則饗賓百物鄉里不知表  
凌駕齊輩子弟蔑視父兄陳錫記當時甚或去其  
年長直呼為某翁鄙而通陳廷無不美號甚或去其  
之一字呼為某翁鄙而通陳廷無不美號甚或去其

空乃敵其血而之所欲甘心者雉羽及鏹以飾其怒長

獻距踊以輔其氣曰吾得請于神矣及出過衢長歌

有得無色自謂獄成而審之欣然稱生不冤及出過衢長歌

我則此無汝今奉陰天子浮薄妖妄昏之鬼者為子適曰有

政賊不吾赤子較之淫祠人妖聖水其害甚夫妖從人

鬼之害人者易也人之奉鬼其責在鬼也厲鬼之罪在

域之習魔教者奪民業則正而歸之於不輸賦則均而取

其習也獸貌鬼質自聖僭王侑食土神峻宇高位者撤

而去之狠目露肘翹足揮刃呼嘯命侶偃蹇睚眦者碎

而空之殺傷者幾絕於根也自時厥後賦役得而疾心

不復作殺傷者幾絕於根也自時厥後賦役得而疾心

腹膏育之害一方朝盡除是後三陽人皆為子適危之子

勃然念身受之於天學稟之於師雲霧而靚青天阡陌

適自念身受之於天學稟之於師雲霧而靚青天阡陌

成也民皆嘆曰令尹愛我於披雲霧而靚青天阡陌

之上罔非良民閭閻之化乃樂土適所以粗能考

其志仕於斯邑者蓋基於此乃樂土適所以粗能考



溧陽縣志

卷一

輿地志 風俗

三十七

俗之趨鄙時又有瑜伽之教患苦民間  
 哉一龍也時又有瑜伽之教患苦民間  
 天詔毀者曰許道合其徒幾數千人  
 伽之教者曰許道合其徒幾數千人  
 誚賊人之孽於虞順匹夫挺劍百人  
 而遺其孽於虞順匹夫挺劍百人  
 之而至於婚成戶籍使田以廬則國無  
 像為之婚成戶籍使田以廬則國無  
 謂善政有矣大抵有明中葉俗儉而近  
 於奢矣大抵有明中葉俗儉而近於奢  
 季年滋益奢汰矣吳穎間史云吾邑人  
 食夸美妾媵僭擬無復勤儉之風而  
 民眈眈於宮室田疇之利利既自專  
 意欲變易之其後復有於氏教所奉不  
 尚未幾也其後復有於氏教所奉不知  
 國朝康熙初始盡斂迹吳穎間史云近  
 淫亂似所不免但末著有搶奪之難必  
 徐一經縣志云迨今始斂迹無遺事

康熙七年江甯府志云溧陽縣在府治東南二百四十

里民俗果毅務農植穀不事商賈然好氣尚力舊稱狡獪難治徐一經縣志云溧人勤儉俗之美者也不幸一變而奢不幾魯爲齊而唐爲鄭乎夫儉之流弊曰鄙奢之遺禍曰貪利與害固當權其輕重矣余承乏茲邑已二載見其君子沈深善論議其小人勤苦習耕鑿風氣不大異於前人之言而察其蠹俗而蠹民者其源有三焉一曰魔教殤鬼巫祠呼朋引類率遊惰以恣冗食火書廬居其容緩乎二曰羣飲區里豪民官府胥隸饕餮狼戾夜以繼日其不致荒腆逸諺者幾希三曰譎激而好爭錙銖之較乾餿之愆輒相牙角訟牒日盈千百紙昔人珥筆之喻豈無謂哉夫俗始於教者也上不學道

則下流於邪上不節用則下習於侈上不務德化而以術御則下日尋於干戈而無已董子曰一道德以同風俗又曰教化行而習俗美則考今日之治以成異日之俗余曷敢不兢兢與乾隆八年吳學濂縣志云溧俗聚族而居崇尚譜牒多有宗祠朔望供飯焚帛紳士雖貴顯不飾騎從宦家女子亦布素習女紅中饋之事婚嫁不計奩財村有學師軒文而輕武不事外遊商賈惟耕讀兩途而已其農事勤惰各半而蠶桑之利向惟姜筴新昌兩村鼓舞利導近且繰車軋軋聲徧四鄉矣然好勝喜訟喪葬惑於堪輿家說又喜賽會演劇齋醮淫祠以理喻之亦稍稍衰息誠能化爭以讓和順於道德而

息其桀驚不馴之氣是則余所厚望也夫

宋辰除妖

宋季民俗頗惑於妖邪山陰陸公本神之明德以破

之廓清者數世矣近日獠民漸起以生事產媚鬼絡

城中有五猖廟厥狀猙獠居稠密相傳宋時湖蕩中夜

繹不絕又邑有前村民稠異狀木雕傀若相沿陳

忽有光探得其二木箱中貯奇形異狀木雕傀若相沿

芮二姓各分其半每年春抄科錢迎賽奔走若狂相沿

已久日增月盛宰牲聚飲費甚不貲富者貧而貧者困

大害農事民力消耗乾隆二年高安吳公初莅演戲之

也勤民事正風毀五猖之像為五賢祠扮馬演戲之

風亦以稍熄逾年歲稔民和利興弊革唯前馬演戲之

終不改公聞之嘆曰是妖也非禮也至治之世其鬼不

靈學濂奉之嘆曰是妖也非禮也至治之世其鬼不

戎會親詣其地昇像至公堂集里民為一燬之且諭之

以防旱澇乎民乃豁然悟如夢初覺復慮民之始信

而終疑也賦詩二章以曉之其一曰復由來自昔傳

華光作福賽年年可憐兒女癡甚賣却新絲典却

枯木無靈已化塵民間歲省百千緡移將修築隄防

好聽農歌

大有脊

溧陽縣志

卷一

輿地志 風俗

城池

固城東漢溧陽縣治晉宋齊梁陳並仍之在今治西一

百三十里高淳縣境太平寰宇記云城廣二千七百五

十步至正金陵志引乾道志謂在溧水縣西南九十里

高丈五尺羅城周七里二百三十步子城一里九十步

宋周必大南歸錄云由三塔院三十里至溧水鄧步又

十里至東壩乃登陸行十五里至銀樹又六七里至雙

港口復登舟約十餘里至固城湖蓋數百家之聚也

日西風動地而雨不作登妙智菴觀范同參政父墳也

與菴僧散步固城之上父老謂之楚王城其周數里

勢甚高但餘城基菴中石碑龜趺乃去歲掘得之唐地

寶中彌勒寺碑也案固城有楚王廟周邦彥詩云

雜臣亂國紀伍奢思結纓殺賢恐遺種巢卵時傾健

軍入郢勢如波捲萍賢亡國嬰難王死尸受刑將隳七

世廟先壞百楹王祠何其微破屋風冷鯨蟄蟲陷香怒

飢鼠懸燈繁淫俗敬魑魅何人顧威靈臣冤不讐主況  
乃鋤王瑩報應苦不直吾將問冥冥又有亡名氏固城  
詩云戰血淋漓灑灑固城子胥當日復陵平千年雪憾應  
無憾何用濤聲作怨聲此則誤用滕公廟記詳見疑辨

古縣孫吳永平縣晉宋齊梁陳隋永世縣並治之在今

治南十五里建康志云周三百步遺址高一二尺今俗

稱故縣內有唐隆寺舊基鄉民猶能言古狴犴之所

改永平為永世不聞并改其治而前志並以古縣當永

世治故知永平原治此地耳互見沿革虞許過古縣

搜殘毀如甌脫堪驚過客魂運移譚廢井土著說荒村

平陵城晉平陵縣治在今治西三十五里金陵志引乾

道溧陽志云周二里高一丈四門濠濶六七尺居民五

六家案唐元和郡縣志平陵山在溧陽縣南十八里笠

溧陽縣志

卷一

輿地志 城池

志云平陵城所謂縣南皆有平陵山以三書參考之距里正

合但金陵志亦誤信滕公廟記以春秋時已有平陵縣

耳又案唐皇甫冉贈裴十四詩有舊國想平陵春山滿

嘗羨之旬溧志收入藝文但裴與皇甫俱非邑人亦未

世析置之平陵初

無涉也當俟詳考

舊縣唐武德三年復置溧陽初治此在今治西北四十

五里金陵志引戚志云城已毀惟巡檢寨後小坡上有

城隍廟前有開元十七年碑國子進士蔣日用文

陸記惟天為大假象以明惟帝為尊崇職以理分司

揆務字人銅墨之班建邦設都首政以子男之國非夫公

府博敞城郭完固則無以禦不虞無以崇厥位曾城百

雉斯之謂歟溧陽縣秦漢舊邑要荒雄鎮達閩走楚

均江寢湖盼蠻蓋山之靈服賈梅根之利資貨紛積人  
俗厚生矣厥土塗泥及肩邪辟春霖秋潦崩峴是常修  
役歲勤人弗堪命夫事窮則變通則久經遠之方以  
俟能者員外丞濮陽吳公名璿字無點希民之峻也  
玉英金翹物莫能比泉澄山峙人無窺際前桓譚於卑  
位實嘆非辜滯張暢於下寮當申積屈往因前宰久假



禪燈時映竹溪深百年殘屐  
三秋雨到此彌傷弔古心

今治唐天復三年由舊縣徙此在燕山東北八里南唐  
昇元二年始築土城周四里有奇高一丈二尺濠周城  
外深五尺濶十之別有一河貫城宋建炎間西拓青安  
草市加廣二里西濠乃在城內焉時建陸門五東曰迎  
春南曰迎夏西曰迎秋北曰迎冬西北曰青安水門二  
上曰清暉下曰挹秀案上水關上有清暉堂明宏治十  
年符觀建國朝康熙間改為太  
白樓下水關上挹秀堂宋崇甯中李亘建久  
廢又西城上有闌風臺登眺勝地亦明代廢  
至正十五年明太祖既渡江命將士修築界草市於外  
而廢青安門復南唐舊址越七年命部使者郭景祥加  
甃以石改四門之名曰東平西成南安北固四門之外

溧陽縣志

卷一

輿地志 城池

四十二

增築壘城

宋濂溧陽州新城記當新視他州為急丞相

吳國公初渡江嘗命將士築之兵事方殷取水至輒溢民  
鼓石橫攢鋼之邱泥其勢善崩濠淺而於水至輒溢民  
恒患之越七年辛丑丞相重命部使者郭景祥作新  
城郭君既至召其民謂曰爾閭右民所恃以安者城無  
城曷生可不改圖厥土用剛厥石惟良釘四門為基以上  
下塏鍊望於岡以膠其豐無使壞傷以四門翼以樓  
櫓環以埤堦中制乃已外復設壘城中鍛鐵承扉時其  
勿侈勿陋中制乃已外復設壘城中鍛鐵承扉時其  
石上架徒杠外浚爾濠初有河貫城中疏洩宣通濠東  
漸滙於南與河既合直達無阻以疏洩宣通濠東  
爾田賦以南爾庸爾無講張以惑羣聽爾無情窳弗  
以煩我有司先功者賞後則及罰若閭右小氓朝不謀  
夕盍寬之俾甲無子所與爾民何如咸稽首至地曰如  
者九千有奇崇甲子至四尺乙未新成其周圍以尺計  
凡役民二千餘家工以日計一萬八千池之深廣視城  
之崇而稍殺焉其制一如郭君之經畫無少爽者  
俾予記其成以母忘相國之賜而多郭君之功余聞之  
高而池深縱鐵騎如守林睥睨而不敢進者郭任古往使

之苟或反是則一夫奮襁疾呼數萬之眾將披靡矣豈  
其人強弱遽爾殊哉險與不險故耳然則設險以守其  
國者何可廢哉雖然城則高矣民為解不知一時之勞  
實永世之逸也雖以信義相使斯民皆効死而弗去則  
道之以禮樂當盡其責也相國軫念黎元之意其在茲  
乎是役也贊郭君之謀而宣勞為多者憲掾趙岳陽  
役凡而集事者州守林公慶也系之以詩曰溧水之總  
崇墉焯焯誰厥親之惟實郭君有美郭君繡衣持斧欽  
奉相命焯焯誰厥親之惟實郭君有美郭君繡衣持斧欽  
以甯乃建教條乃糾功序乃登壽俊俾相告語取直準  
繩畚耜雲興曰而就仰瞻雉堞如陵彼水觀河流河  
侯削侯究不曰而就仰瞻雉堞如陵彼水觀河流河  
流載清我民曰噫相國生我真之衽席脫彼水火相國  
用明使宜繩無威令是承績用凝石  
宏治九年知縣

符觀以南城隘逼洋宮乃徙築河埂以廣之嘉靖三十  
四年知縣林命增修女牆加高五尺頽者撤而新之四  
周為冷鋪三十餘所以居守者又設瞭樓二座於南城

溧陽縣志

卷一

輿地志 城池

四十三

之東西其四門外民居盡處跨街為樓以時啟閉倭寇  
薄城知其有備遂去之三十五年知縣王諍繼葺四門  
壘城四十三年知縣趙應元教諭林楚塞下水關別開

躍龍關於學宮左

林楚新開關河記略 王戌歲予署溧陽有鄉先生述吉山張公語謂

溧治一水中分氣洩而情離人宮而不出顯若移南關  
於東導中分之水達於洋河逕學宮而通暢土  
民俱利四十餘年未克之志欲予終之尊予思堪輿之家  
輔相地道理固上有之即以其事白於邑尊趙君君忻然  
捐俸以倡請於廣上四丈深資出眾施工由廣募始  
議凡長若干丈廣四丈餘資出眾施工由廣募始  
事於癸亥十月龍訖功於甲子三月河以洋名從舊也關  
居學左名以躍龍取淵自試之義暇則與二三子登關  
城陣而覽勝其川流之縈回蕩漾如龍游地上氣象文  
明而淵深澄澈映天光舟人往來如遊乎願二三子濯  
河漢耳目為之一新矣而志慮不新乎願二三子濯  
去舊見以起新知所學惟游之徒是師則文濯  
之實地追之前古苟徒新其詞章以進也謂足以顯人  
文而道之靈止於新也必不然矣是役取倡其議者

狄生斯東輩厚其助而贊其成者玉陽史先生至萬曆於成始成終則趙君望雲也嘉靖四十三年立  
三十二年知縣徐縉芳復增修女牆易東南二門額曰東生南薰西北如故仍闢舊下水關與上水關對峙四十六年教諭金維基建文昌閣於城上崇禎十五年知縣金和復開躍龍關皆風水之說為之也

國朝初修城經費裁解兵餉間有頽圯康熙四年知縣徐一經因紳士重修文閣開濬關河之請力圖修城於七年捐建四門城櫓各三間三十九年知縣張士琬募修南門壘城牆堞西門梁堞五十年知縣鄆柳濬城外河雍正四年知縣邵錫光濬城內河乾隆三年知縣吳學濂詳請動帑修築關城等處

吳志云學濂於乾隆二年承乏茲土巡城閱視女牆

### 溧陽縣志

#### 卷一

##### 輿地志 城池

四十四

盡隳且有夷曠如坦途踰越同短垣者恭遇仁普被寓賑於工別緩詳請修築署後與上水關處一為倉庫重地一為舟船要津其他倒裂處所暨南門與躍龍關圈洞隳壞日虞壓覆勢皆難緩須與四年春領帑興役明年七月諸緊工告成其女牆樓櫓已登估冊者亦將取次請帑修築焉是舉也煩里甲一役不費民間一錢而向之頽廢不堪夷坦可越者已整飭加崇是皆國家不惜帑金為百姓謀安堵為萬世奠金湯知縣則考其成而已何力之有至城內外河道淤淺水色混濁幾類黃河是當亟謀濬

訓復詳請修築城垣三十三年報竣

案溧水縣南九十里故城東有古開化城寰宇記以為溧水舊縣疑即隋舊也元和郡縣志謂隋開皇十一年宇文述割溧陽之西丹陽之東置溧水

冊縣  
據以上今治源流參野志舊縣志及

然則隋時溧水管及今之溧陽西境而今溧陽志不敘開化古治者既改名溧水則不必更爲敘入也若然永平永世平陵亦改名志得敘入者此三縣地全在今溧陽境內且其縣後廢久經併歸不得敘也隋溧水既不全足今之溧陽地而自唐初至今未嘗省溧水歸溧陽自與三縣有別矣金陵志又別有溧水古城在溧水縣西南一里不載所始志疑爲賴國城之類賴國之說殊未覈詳見疑辨不審何代所築也

公署 自唐以前無考茲所載治中各署皆在唐末所徙之治即今治也

知縣

溧陽縣志

卷一

輿地志 公署

四十五

知縣署在城內西北隅唐天復三年初始宋紹興十八

年知縣施祐重建元州縣署蓋仍之案元代別有路府錄事司達魯花赤

各署俱未詳明太祖吳國公元年知州王琳再建林公慶復

初爲正堂洪武二十八年知縣盧何生修正統三年知

縣鄔瑤又修天順元年火知縣李溥及僚屬捐俸倡建

耆民助之祭酒安成吳節重建公廡記署景泰乙亥長垣李公溥以名進士抱負才美來宰於茲

期年而政通人和相察廡宇卑狹弗倫欲事更新而理難遽易乃天順丁丑夏邑東民郤失火延及公廡悉爲

燬燼事聞詔許改作公捐俸爲倡縣丞南昌熊公奎主簿南昌李公仁端崇甯宋公必華典史濱州李公綱繼

之邑之耆民集議宣助遂鳩工市材涓日啟土先立察院以駐憲節修五聖地諸祠以安神棲然後大哀

工費經營縣治首廳事次儀門一次官舍次吏居與夫倉庫犴獄麗譙牌坊射圃之屬咸一新之又端正甬道街

衢左右廊廡不咸歸於宜作始是年之冬越明年秋而羣工告成士民往來式觀宏壯歎羨相仍咸願伐石

紀事以彰盛美乃具書託江甯令李公褒徵文於節惟青由天降政在人理得其道民乃莫居昔者春秋之世宋陳與鄭同祿同辰二國因以衰替惟子產相鄭大施令政卒能以災青之餘變為勝國今溧民失火賴令尹之賢躬勤撫綏大事興作越歲而縣治更新邑居改觀官無重費民不勞與昔子產之令政又何異乎此端可以特書彰示盛美於無窮者故立萬曆三十六備書之以為溧人慶天順二年十一月立

年知縣徐縉芳加葺

國朝康熙乾隆間亦屢有修建今參據舊縣志及野志將

歷代廨宇興廢源流開列於後

大堂三間舊曰保民堂康熙四年知縣徐一經復於堂

前建軒三間顏曰治在力行乾隆八年知縣吳學濂重

建史貽簡重建廳事記縣有廳事為邑侯聽政之所安上全下布教令而宣德化者胥於是乎在敞而弗

理則官狃於陋民即於玩政三疲事隳謂邑尚有治乎溧陽自唐末徙今治舊有廳事三楹明天順初燬於火為

溧陽縣志

卷一

輿地志 公署

長垣李侯重建其前軒三楹則徐亦八朝康熙四年惟侯履常所增置李距今已三百年徐亦八朝康熙四年惟侯穀張侯略補葺四十年御來日漸二仄幾於廢矣初視吳公鶴山以事補葺四十年御來日漸二仄幾於廢矣初視心蒿目禱然以捕蝗勘災已任顧天災流行旱澇惟日繼不足無暇以為也者而嗷圩之壞者隄之郊以庫狹者培廣其水道之淤者濬之圩之壞者隄之郊以庫狹者培廣樓以經野粗畢猶無暇以爲也者而嗷圩之壞者隄之郊以庫狹者培廣增造樂登倉以便民輸賦一上下治尊經閣以固圍復儲材曰庀材撤廳併前軒而一新之視舊制咸理然許凡用棟榱榱載於癸亥冬十月某日迄暮告成又屬又若千俶載於癸亥冬十月某日迄暮告成又屬於材修整偏樓及右之庫樓少憩焉是役也簡於羨材後東偏樓及右之庫樓少憩焉是役也簡於堂後東偏樓及右之庫樓少憩焉是役也簡於請恩蠲雍正十二年直受雇無煩於力故工鉅而官民不知費移解工役以直受雇無煩於力故工鉅而官民重修岳陽樓特遊觀之非有興事於政類也昔滕子京而范文正為記猶八年推本廢具興通亦何一非籌畫於先憂後樂以視公為政猶八年推本廢具興通亦何一非籌畫於先



亦以下吏能自任且謂學於歐陽公後生視二公為何  
如留吏治者豈理也哉安中名仲遷玉泉先生之境則  
心友淵源能世其家庶事順妥皆為之記迴忝此敏之  
民安其政造其庭則庶安屬迴為之記迴忝此敏之  
所致而民之所安順者乎安中屬迴為之記迴忝此敏之  
先生之徒喜其事可傳故次其言實其所行附以歐蘇  
之事其視終始以稱無倦之義云乾道七年三月丙  
吉戌之久廢

國朝嘉慶十七年知縣錢唐陳鴻壽書原額懸之三堂

無愧堂在廳事後宋嘉定間知縣李泰原建王允文記地

斯有為政之功地未立而政先焉君子所不敢知也然  
則孰為為政之地非是心之謂歟夫人之不心高可以  
對越上帝下所以感通萬物幽之可以質鬼神明可以  
日月蓋仰無所愧俯無所作心之恢乎有固如是也施  
有政中天下而立四海之民恢乎有固如是也施於郡  
一邑之事乎然而世之士大夫求政之功者常多求政之  
地者常少其亂流俗得律心君不綱則利害得以地攝  
榮辱得以汨亂志帥失律心君不綱則利害得以地攝既

溧陽縣志

卷一

輿地志 公署

已無足恃者則平時愛人利物之志類為空中言豈復能  
有美哉李侯叔逢為溧陽之明年如吳中便道過  
之入其疆土皆有野禾麻菽粟油翼閭富  
落承平全盛之風如市肆一熙無疾呼急步之警途巷  
語稱大之賢者如市肆一熙無疾呼急步之警途巷  
然象恍然在目榛蕪如市肆一熙無疾呼急步之警途巷  
氣象恍然在目榛蕪如市肆一熙無疾呼急步之警途巷  
若此者升堂特坐以定今侯之舉相勞苦爾詢其治之  
笑而吾曰至是特坐以定今侯之舉相勞苦爾詢其治之  
哉填壅不甫至是特坐以定今侯之舉相勞苦爾詢其治之  
不填壅不甫至是特坐以定今侯之舉相勞苦爾詢其治之  
者入土彌望蕭然一號居之所謂疾厲且治者盜寇充  
所猶寂然足闕肆撤市物價翔涌白晝攘之區富恬熙  
雜猶寂然足闕肆撤市物價翔涌白晝攘之區富恬熙  
其至難不吾所易也夫今昔之理荒詰盜星出吾爬適  
救未嘗不以吾所易也夫今昔之理荒詰盜星出吾爬適  
率以植行不殿親之難獨恃此心之無愧耳拊循會  
可罷行罔不殿親之難獨恃此心之無愧耳拊循會  
尚無恙也予聞其語綿延之耆叟然起敬思昔先達之論以

吏以魏貴卿為第一謂貴卿為所難而潁川南陽為所  
易今迺溧陽縣見之予既與侯別從之兄連帥公遊  
客寓滌上一日貽書曰歲既登成縣且無事學宮門觀  
以次繕葺凡官居之撓敗者亦治新之適有餘材將堂  
燕寢之後扁曰無愧昔衛武公卓然成德之彥動容周  
旋盡善盡美逮其末路猶以相在爾室不愧屋漏形容於  
歌詩以自警勵况後學乎吾取以為法焉子其為我記  
之予謝不敏而請於無愧如一日其為政之地何如也推  
可俟矣而所施者益於侯及者益其功業之盛其有既乎  
而之上所施者益於侯及者益其功業之盛其有既乎  
堂之未作也無愧在侯之堂所以善其終力行於心而後發見於  
也無愧在侯之堂所以善其終力行於心而後發見於  
堂其與世之違道而具著其顛末如此是役也取用於  
不敢以淺薄為辭而具著其顛末如此是役也取用於  
搏節之贏取費於耕穫之間成而民不知勞至於楹  
棟之廣狹工費之豐約非侯所以委予者故不書侯名  
泰原叔逢其字也嘉  
定辛未三月既望

烟艇室在清閒堂後跨池為之又有西齋其後為讀書

堂並宋陸子遹建並久廢

溧陽縣志

卷一

輿地志 公署

四十九

八如齋透迤齋手詔亭頌春亭並宋李泰原建並久廢

烟波亭綠淨亭大圓鏡亭並在縣署後城上並久廢

竹賓軒在署東偏

國朝知縣張瓚建徐一經額久廢

若木亭亦在署東偏康熙初徐一經朝夕治事於此時

亭前有喬桑百餘年物也後知縣張燕改額曰勾當清

風乾隆初吳學濂知縣時為宴賓肅客之所今古桑猶

挺立焉

案今花廳初名聽雨亭後改春暉亭疑即其地耳

桑連理館在三堂西嘉慶十六年知縣陳鴻壽命名庭

有連理桑故也詳見古蹟

大堂之東舊有贊政廳三間康熙元年典史陳必達重

建今廢

大堂之西為庫藏樓二間舊係平屋明嘉靖初知縣湯  
虺斃為石室架樓其上

堂下東西為六房東吏戶禮又稅糧承發西兵  
刑工又明代有驛傳馬政舊各五

楹東西房後各有吏舍乾隆七年吳學濂重修西首舊

為儀仗庫東之南舊為架閣庫各二楹

堂前甬道正中有戒石亭嘉慶十六年知縣事  
陳鴻壽重書立石其東舊

為迎賓館三間康熙四年徐一經重葺取孟郊詩顏曰

審交南首儀門三間康熙四年徐一經修乾隆八年吳

學濂重建阜隸房獄室  
俱在儀門內門外舊有東西馬房各三間西馬

房自前明已  
改為小監西首舊有櫃所康熙四年徐一經建為區

溧陽縣志

卷一

輿地志 公署

五十

里納課之地正南為頭門門上麗譙三間康熙四年徐

一經整理五十八年何得麟修黃夢麟記乾隆八年吳學濂

又修門外東首舊有旌善亭本在縣治南明符觀易民

張謙地徙建西首舊有申明亭本亦在縣治南符觀易

民黃紀地徙建並久廢今為班役伺直處

縣丞

縣丞署舊在縣堂東內有來月堂宋丞衛樵建久廢後

徙丞署於縣堂之西

典史

典史署在縣堂東古贊政廳之左康熙間陳必達重葺

舊有懷曜軒謂仰慕貞曜先生也前明已廢

學官

教諭署在明倫堂東

訓導署在明倫堂西

武職

都司署在南門外樂登倉西

千總署在都司署前

附錄廢署

都察院行館在城北本宋金淵書院明宣德間知縣李銘改爲行館成化間知縣靳璋重修知縣熊達移趙氏忠義石置堂後宏治八年知縣符觀嫌其淺隘買民人鍾浩地展砌前門至萬厯間仍名書院云

溧陽縣志

卷一

輿地志 公署附廢署

五十一

察院行館本在縣治東明洪武七年知縣吉希古建天順初火知縣李溥重建之宏治四年知縣楊榮以其淺隘臨街改建於都察院西畔八年符觀買民人鍾浩地增廣制度又移趙氏蒼雲石置樓後萬厯間知縣李光

祖重修

史繼辰記 吾邑介在畿南以東爲京兆一年

今寢就傾夷幾於其廢之莫敢舉矣乙未冬南昌垣李侯以進士高第來宰茲邑諸凡休養生息靡遺餘力再踰年而政通人和百廢具舉乃詣院四顧爲之惜者久之尋奏記當道曰職不佞治行後人先務不取不籍邑有使院一區規制故湫底歷年既久填茨椽棟觀風使者歲時行部實式臨之而敝壞一至於此干撤觀望謂何故牘修繕百需率取給贖自頃輸佐縣官急檢庫瘡三五百十金不足則請括節縮雇募羨金向所屑越不究詰者亦尚可得若干庶幾可裨茲役上令憲署改觀而庀下無所苦繁費計良便當事者咸報可乃以五月望日匠事會郭外民有鬻其居

室棟以深若廣各數丈構輪奐言之於是基仍舊貫堂凡  
三棟後切樓者壯麗稱是者可以眺遠其旁穿燕堂重門前  
廊一後為樓者壯麗稱是者可以眺遠其旁穿燕堂重門前  
院後隙地一山石玲瓏有竹樹宋人題猶存稍移置向  
西而甃鼎新革故煥然耳目即亭之內巖巖具瞻澄泓止  
及國鼎傲不阿竹矜不俗耶於託九寄似各日有取爾者豈  
以水栢食從容供玩適已耶於託九寄似各日有取爾者豈  
也夫人不可無記觀子嘗讀今易而深有味乎觀與大壯之  
無甯居以爲使命尊遠方下使深有味乎觀與大壯之  
壯以廢興亦符君所繫如止得其棟宇且固之將何觀焉且  
棟之擣爲不修蓋其所必踐謝公孫僑更一諸侯之館夫亦  
以館幣而令盟主躋過爲更一諸侯之館夫亦  
以館幣而令盟主躋過爲更一諸侯之館夫亦  
是干旄至止簡書鄭顛以飭厨傳媚過客明矣邇來令  
隸人妣媿視之者非顛以飭厨傳媚過客明矣邇來令  
吏治不情窳視靜約之譽居已於逸而遺後人焉者重費遠  
嫌慮不亡掇靜約之譽居已於逸而遺後人焉者重費遠

溧陽縣志

卷一

輿地志 公署附廢署

五十二

者菅蒯其民竊膏脂以自潤比比也斯果視國如家而  
明於觀大壯之旨耶侯孝友篤至施于有政大都敦教  
化裁不啻膏雨沐而春風凜凜被霜雪四封赤子隩休  
安集所興除不聲色又真所謂舉墜若功成不日寶至  
而諸道自出矣故棘焉振廢墜若功成不日寶至  
如歸而盛事乎自是體統如軒如甯俗首善是于觀  
不朽之盛事乎自是體統如軒如甯俗首善是于觀  
以宣德意而導淫鬱其宇下甯止一且侯之造福高  
人遠矣是歲侯業以三載最闕下且侯之造福高  
第徵治卓絕傳侯業以三載最闕下且侯之造福高  
政之斑耳奚足爲侯業以三載最闕下且侯之造福高  
進士協贊其成者邑丞黃君正名祖萬區建置特善  
邦職業之暇分董其事者學博施君于蓄法得並書以  
紀始之勞云 今改平陵書院

京兆行館本在縣治西舊關王廟址明成化間靳璋建  
爲傳舍其後本府通判蔣苓改作本府行館嘉靖二十  
七年署縣通判張峯買民地改建縣東曰京兆行臺馬

一龍記之

國朝康熙徐志謂今遺址猶存而為鄰人所據乾隆吳志謂崇禎九年知縣許奉文變賣民間今建節孝祠未詳孰是

建康等處財賦提舉司在今溧陽縣西門外永定坊元

至大二年置

案舊縣志誤作江浙財賦提舉司又以為宋置考宋代無此官舊縣志趙淮傳雖有

判運江東置司溧陽之語而宋史本傳但稱累官至淮東轉運使不言置司溧陽且係淮東轉運非兩浙提舉也今據金陵志改正特彼無西門外永定坊之文耳

捕盜司在縣西教場元置

案舊縣志亦以為宋置考宋代無此官亦據金陵志改正

織染局元置舊縣志謂在縣治南臨謝池則是南城謝

婆渰附近也金陵志謂即古金淵館則又在縣治北未

溧陽縣志

卷一

輿地志 公署附廢署

五十三

詳孰是

巡檢寨一在叻山前一在舊縣宋置

稅柵亦在叻山前檢稅亭在挹秀門內並宋置

案宋有監市務

酒稅官一員未知當駐何所亦未知亭柵之外有無別署

馬政廳在西門外馬神廟右

案舊縣志不載建置時代考溧陽馬政元明俱有之

此廳起於何代誠不能確指也

主簿署自明以前無考明制三員縣堂西為管糧又西

為水利又西為管馬舊有栖鳳軒取枳棘鸞鳳之義不

知三所焉屬也

巡檢司在上興步明洪武初置嘉靖間裁改公館

稅庫局在縣治東南明洪武初置正統間裁成化復置

嘉靖復裁

陰陽學醫學俱在縣治東明洪武初置成化間修

僧會司在東門外報恩寺道會司在城內東南隅泰清

觀並明置

